

NKULUNKULU

UNENDELA LENIKETIWE

 Sanibonani ekuseni, bangani. Siyajabula kuba lapha manje ekuseni, latabernakeli, futsi, eGameni leNkhosi Jesu, kushumayela kubantu baKhe, ngeLivi lelibhaliwe nangemkhuleko walabagulako. Sengephute kancane nje, cobolwami, ku—kutsi ngivele.

² Futsi ngijabule kakhulu kuba lapha futsi ngibone lolusuku loluhle, nonkhe nine bantu niphumile kutsi nikhonte iNkhosi. Ngi... Anijabuli yini kutsi ninemandla lenele kuba sebandleni, manje ekuseni? Niyabona, kunebantu labanengi labangakakhoni kuta. Bashaya lucingo etulu lapho ekhaya, ngekuhamba kwelusuku, futsi nje balalele bantu. Babatjele, batsi, “Yebo-ke, ngeliSontfo ekuseni sikhulekela labagulako entasi etabernakeli.” Bantu labangenako, ngani, abakaze banyakate iminyaka. Cabangani nje, ke, nikhona kuba lapha namuhla. Kuyintfo lesibusiso kanjani kukhona kuphuma!

³ Niyati, kwakukhona sisho lesidzala lengake ngasifundza kanye, satsi, “Ngakhonona ngekuba bete ticatfulo ngate ngabona indvodza lebeyingenato tinyawo.” Ngako, nguloko-ke. Uma ucalata, kuhlala njalo kunemuntfu lomubi kakhulu kunawe. Ngako loko yi...

⁴ Kodvwa kucabanga, manje ekuseni, ngetulu kwato tonkhe tintfo sineMsindzisi lotsandzanako, lositsandzako nalosikhatsalelako, futsi lowati kutsi lomsebenti lomkhulukati lesendlula kuwo, netikhatsi nebumatima lesingito, yincenye nje lengasiyo lenhle yaloluhambo. Futsi kutsi ngalelinye lilanga sitowemukela umtimba longayuze ugule, noma longayuze uguge. Awuyuze ube... Futsi singeke sidzingeke kutsi sehlukane lomunye nalomunye. Siyohlala njalo sindzawonye.

⁵ Ngiyayitsandza inhlanguyelo. Wonkhe umuntfu, niyakholwa, ikakhulukati emaKhristu, ayayitsandza inhlanguyelo. Nekucabanga ngenhlanguyelo yetfu lesimangaliso! Futsi, ke, ngalelinye lilanga siyoba ndzawonye, kutsi singadzingeki kutsi sihambe, singadzingeki nje kutsi sihambe. Singadzingeki kutsi sikhatsateke kutsi bantfwana batolimata noma lutfo, kuto... Akuyubakhona intfo lenjalo. Kuyoba nje... Angeke sidzinge kukhatsateka kutsi kudla kwetfu kuvela kuphi; kuhlala njalo kulungisiwe futsi kulungele tsine. Futsi nje akumangalisi loko na? Kuloyomnyaka lomkhulu lotako. Futsi kungako sinemabandla, ne—naMoya loyiNgcwele ulapha namuhla, la—abantfu labawungako enhlitiyewi

yaNkulunkulu, kubalungisela lesosikhatsi. Ngulabo labenta sincumo sabo manje, salolohlangotsi, ngulabo labatotfokotela letotibusiso Phakadze.

⁶ Futsi ngiyetsema kutsi uma akhona lapha, namuhla, loyo longakaze ente lolohlobo lwesincumo kutsi akhonte iNkhosi Jesu, kutsi lolu kutoba lusuku lapho utokwenta khona. Futsi, kusukela namuhla kuchubeke, nitojoyina nalelibandla lelikhulu lemakhholwa, futsi nimashe nicondze ngasekuncobeni. Ngalelinye lilanga kuyobe sekuphelile.

⁷ UMnaketfu Fleeman, ngikholwa kutsi kune—ne—nelibhentji khona lapha, uma ungatsanza kutsatsa lona manje, mhlawumbe bewungawuhlalisa. Nasi situlo sinye lapha. Si... Litabernakeli letfu lincane kakhulu lapha, site indzawo leyenele yebantfu. Kodvwa, noko, konkhe kusukela ngaLesihlanu ebusuku kuchubeke, ngalokuvamile sitama kungenisa, futsi sibaletse lapho singabakhulekela khona lapha etabernakeli nge—ngeliSontfo ekuseni.

⁸ Neline, impela sineline leligulako, incumbi yebantfu, kugula, inkhatsato, kukhatsateka. Kodvwa, njengoba sisho, kunesikhatsi lessodwa lapho kungeke kusaba khona. Akuyumangalisa yini lapho singasayophindze sikhulekele labagulako, asisayophindze sikhulekele soni na? Sekuphelile konkhe, konkhe sekunyamalele, kulokukhulu kukhohlwa kwemnyaka, sitobese—ke sesihlala naYe.

⁹ Manje, siyati kutsi kuminyene kancane lapha ngekhatsi. Futsi si—sifisa kwangatsi singanenta nitfokomale kakhulu, kodvwa asikhoni. Ngako siyakhuleka nje kutsi wetfu lonemusa, Babe losezulwini utonenta nijabule kakhulu enhlitiywensi yenu, ngeBukhona baKhe, kutsi ngeke nisinake lesimo sekuminyetelana lokufanele nihlale kuso ngesikhatsi inkonzo isachubeka. Kwangatsi ningatfokomala kakhulu kuYe!

¹⁰ Futsi manje, namuhla, sitodadisha eVini imizuzwana lembalwa, bese—ke ngikhulekela labagulako nalabadzingako. Ikakhulu, inkonzo yami...Angisuye kakhulu longu—longuthishela, kusuka eVini laNkulunkulu, futsi mhlawumbe angati kakhulu kangako ngeNcwadzi yaKhe. Kodvwa, njengoba bengihlale ngisho, ngiyamati kahle kakhulu uMcalisi. Futsi nguleyo intfo lemcoka. Ngi—ngifuna kuMati.

¹¹ Kumati Yena kukuPhila. Futsi ngi—nginekuPhila ngekuMati; lokuPhakadze, kuPhila lokungunaphakadze lokungeke kubhubhe. Yingunaphakadze. Nkulunkulu uniketa siphо saKhe sekuPhila lokuPhakadze, futsi Sihle ingunaphakadze. Akusoze kwabhubha, futsi akusoze kwaguga futsi kunciphe. Umtimba wakho uyoguga ngalelinye lilanga, uma uphila. Kodvwa umphefumulo wakho, umoya wakho, awuyuze uguge.

¹² Ngahlangana nemuntfu lomdzala kanye, lobekasendlule kahle iminyaka lelikhulu budzala, futsi watsi bebakadze bangemaKhristu kusukela baneminyaka lesikhombisa budzala. Futsi ngatsi, “Mnaketfu, kanjani, kunjani kuwe namuhla?”

¹³ “O,” watsi, “Mnaketfu Branham, Uya ngekuba mnandzi kakhulu lapho iminyaka ichubeka.” Cishe likhulu nakune, noma lesihlanu, iminyaka budzala.

¹⁴ Futsi ngacabanga, “Isasolo iyinhle njengoba iminyaka ichubeka,’ lapha emashumini layimfica nesikhombisa, iminyaka lengemashumi layimfica nesiphohlongo, yekukhonta iNkhosi, futsi Isasolo iya ngekubamnandzi.” Kwangatsi ngiyabona, uma iminyaka igicika, Uyobe nje asolo ancono ngasosonke sikhatsi; uma sibuka emuva futsi sibone kutsi Nkulunkulu usikhipe kuphi, futsi wasikhipha kuko, futsi wasingenisa.

¹⁵ Imphilo yebuKhristu i—luhambo. Lena yipilgrim lapha, futsi nje sendlula kulelive. Futsi si—asinawuhlala lapha, niyakwati. Tikhatsi letinengi sakha indlu, sitsi, “Yebo-ke, umndeni kanye nami sitosima entasi lapha.” Kodvwa, kanjani, kute kube sikhatsi lesingakanani na? Niyabona na? Awati. Futsi sihlala njalo sitsanza kutfola indzawo lapho besingasho khona kutsi, “Loku kwetfu, kute kube phakadze.” Kodvwa akukho lapha, emhlabeni. Site indzawo lenjalo lapha emhlabeni.

¹⁶ Kodvwa kukhona intfo letsite kuwe lebita leyondzawo. Futsi ngaphambi kwekutsi kubekhona noma yini kuwe lebita leyondzawo, leyondzawo ifanele ibe khona, noma bekungeke kubekhona lutfo ekhatsi lapha lolukubitela ngaphandle. Kujula kungeke kwabita kuJula ngaphandle uma kukhona kuJula lokusabelako kuko. Ngako kufanele kubekhona lokutsite ngekhatsi, lokubita indzawo, ngaphambi... Kufanele kubekhona iNdzawo kucala, njalo, kwenta loku kujule kuLibite, bese-ke uma kukhona intfo letsite ekhatsi lapha lefisako.

¹⁷ Manje ngibona labanye bebangani bami lengikhule ndzawonye nabo, futsi, sindzawonye lapha. Futsi ngicabanga kutsi, eminyakeni lembalwa leyendlulile, bafana labancane badlala timabuli ngephandle lapha ngephandle lapha esitaladini, nekupinisa tidikiselo, bagibebe emahhashi, futsi namuhla singena emadvodzeni lasemkhatsini nendzima yemphilo. Futsi-ke ngiyacaphela bobabe babo, lababili noma labatsatfu, bahleti lapha manje ekuseni, loko kutsi, o, ngesikhatsi basebasha, emadvodza lanetinhloko letimnyama, futsi namuhla ahleti lapha achachatela futsi amadzala. Futsi sifanele sihlangane naloko lokuntengantengako nelwati loludzala. Kodvwa ngamunye ngamunye nje, singcingca ndzawonye, bahambi nje netihambi, sidzabula. Manje, intfo lebusisiwe ekhatsi lapha, kutsi...

¹⁸ Bengikhuluma nadzadze lomncane emizuzwini lembalwa lendlulile, lebekahlushwa simo sekugula ngemizwa, nesimo

sekugula ngemizwa. Ngi... Washo kutsi wetame kanjani kukuncoba. Manje, angisuye kakhulu weSayensi yebuKhristu noma buNye. A—angikhola kutsi kakhuna noma yini lefana nemcondvo ngetulu kwendzaba. Ngikhola kutsi Nkulunkulu unggumphilisi. Manje, ngi... Lodzadze watalwa kulesosimo sekugula kwemizwa. Unina neyise bafa ngesikhatsi asengumntfwana, umntfwana, futsi wavuka, nje ayiswa lena nalena ndzawo tonkhe, futsi angakaze abe nelutsandvo lolufanele futsi akhatsalele luswane lolunako.

¹⁹ Uyati, make, ngifuna kukutjela lokutsite. Ngiyati nginemfana lomncane emuva lapho, futsi wonakele kakhulu sibili, kodywa ngingamane ngibe naye ngaleyondlela. Ngikhola kutsi uyoba yindvodza lencono, uma Nkulunkulu amvumela aphile, kunekutsi amyekete amemete kakhulu futsi akhale, futsi akhube buncane bakhe.

²⁰ Lalelani, eminyakeni lembalwa leyendlulile, letinye tangoma letijwayelekile tesimanje tasho, kutsi, “Akutsi loloswane lukhale. Ungalutsatsi. Kuto tonkhe—tonkhe letintfo leti kanjalo, ungamvumeli gogo alutsintse.” Futsi niyati kutsi bachobosela ini na? Niyabona kutsi kuyini na? Kungatiphatsi kahle kwensha, sicuku salabaguliswa yimizwa.

²¹ Nkulunkulu wenta umntfwana kutsi atsandvwe. Kungako Enta make kutsi atsandze luswane. Kungako si—si—sifanele sibe ngalendlela. Nkulunkulu wakwenta ngaleyondlela. Futsi noma ngasiphi sikhatsi lapho uphazamisa luhlelo lwaNkulunkulu, ufanele ukhumbule kutsi uneliphutsa futsi utoba neliphutsa, kuphela nje uma uphatamisa luhlelo lwaNkulunkulu. Landzela luhlelo lwaNkulunkulu. Kwente ngendlela Nkulunkulu latsi kwente ngayo. Manje, indlela kuphela loko lokungaba...

²² Njengekutsi nje, watalwa usoni. Futsi indlela kuphela longake ube ngunoma yini lenye ngaphandle kwesoni, kufanele kube ngulokunye kutalwa. Ufanele ortalwe unggumKhristu. Uma watalwa usoni, khona-ke ufanele ortalwe kutsi ube ngumKhristu. Futsi kufanele kube nentfo leyentekako ngekhatsi kuwe.

²³ Futsi leyo yintfo lefanako letofanele yenteke ekuphilisweni kwaNkulunkulu. Kufanele kube yintfo leyentekako, hhayi nje umsebenti lovukako noma lidlingozi. Kufanele kube yintfo leyenteka mbamba, futsi niyati kutsi iyenteka. Niyabona na? Akusiko nje kutsi, “O, yebo-ke, ngitokucabanga nje *ngalendlela*, futsi ngikudadishe *ngaleyondlela*.” Loko akukwenti. Kufanele kube yintfo letsite empeleni leyentekako.

²⁴ Manje, namuhla, futsi silindzele ema ambulensi lambadlwana latfwele bantfu kutsi bafucelwe ngekhatsi, emizuzwaneni lembalwa, lotako ngendiza. Futsi sifuna kungena esifundvweni manje ekuseni, salabo labalapha, labagulako kakhulu nalabadzingako, ngesifundvo sekuphilisa kwaNkulunkulu, kuze kukholwa kwakho kwakhelwe

ekuphiliseni kwaNkulunkulu, kwati kutsi kuyini ngempela, nekwati kutsi kwentiwani, entiwa kanjani emalungiselelo eku—ekutilungiselela kuphiliswa kwakho.

²⁵ Bangakhi labafundze ku *Christian Life*, kulenyanga na? Nike nalifundza, liphephabhuku *iChristian Life* na? Ngiyakhholwa... Cha, ngiyacolisa. Ngiyitfolile kulenyanga, kodywa itfunyelwe kimi. Ngadokotela lodvumile e-Illinois, wabutwa umbuto, “Utsini ngekuphilisa kwaNkulunkulu na?” Ngifisa kwangatsi ngabe ngitenayo, manje ekuseni. Futsi watsi, “Ngabe ikhona intfo lenjalo na?” Bambuta, “Ngabe ikhona intfo lenjengekuphilisa kwaNkulunkulu na?”

²⁶ Watsi, “Impela.” Futsi uma lowodokotela angakakuchazi nciamashi ngendlela lengikuchazele ngayo! Mayelana nekusikwa kwesandla sami, kutsi awusakhi sakhimtimba; umutsi.

²⁷ Si—sicabanga kutsi umutsi uyamangalisa. Futsi besingeke sitsi, “Ungawusebentisi.” Ngoba, kuyintfo letsite... Njengekutsi nje, ngingeke ngitsi, “Ungasebentisi insipho kakhulu kugeza tandla takho.” Ngemakhemikhali. Kodvwa, empeleni, umutsi awuphilisi. Umutsi ungcina kuhlanteka, ngesikhatsi Nkulunkulu akuphilisa.

²⁸ Ungeke ukhone kubeka umkhono wakho, naDokotela angeke angene futsi agace umkhono wakho, atsi, “Manje sewuphilisiwe.” Uvele nje ubeke umkhono wakho, bese uyesuka uyahamba futsi uvumele Nkulunkulu akuphilisele kona. Nguleyondlela kuhela lekungentiwa ngayo.

²⁹ Yebo-ke, manje, leyo yindlela lefanako lokungayo ngekunatsa umutsi. Kodvwa, umutsi ulungile, kulungile kutsi umkhono wakho ucondziswe uma wephukile, kodvwa Nkulunkulu utofanele ente kuphilisa. Yebo-ke, manje, loku yi...

³⁰ Lokuphiliswa loku, ufanele ube nekukholwa. Kubitwa ngekutsi kuphilisa kukholwa. Nalodokotela watsi, “Yebo-ke, ikhona intfo lenjenge mimangaliso.” Watsi, “Futsi ngiyibonile, tikhatsi letinengi.” Bekangudokotela lohlindzako lowatiwako. Watsi, “Tikhatsi letinengi...” Watsi, “Manje, uma ufika kutinkholoze letingenenaNgati, lotsi umuntfu lotsite uyakwenta, noma—noma intfo lefana nebakaMunye, nalokunjalo,” watsi, “Ngingeke nje kalula ngibeke tandla tami kuloko. Kodvwa,” watsi, “Ngiyakhholwa, futsi ngiyati, kutsi iNgati yaJesu Khristu yenele konkhe kuphilisa noma ngukuphi kugula.” Niyabona na? Manje, kuvela ngaKhristu. Kuphilisa kuvela kuKhristu, kuhela. Futsi konkhe kufika... Uma kuhendvuka kwakho...

³¹ Manje, ngibabonile bantfu lebebatentisa, batsi, “Yebo-ke, manje ngitovula likhasi lelisha. Ngumnyaka lomusha. Ngitotama kwenta lokunconywana kulomnyaka kuna lelengkwentile emnyakeni lophelile.” Kodvwa, uyatfola,

akusebenti. Futsi banjalo ke nebantfu labatsatsa kophiliswa kwabo sinomakanjani nje kanjalo; akusebenti. Akuhlali sikhatsi lesidze.

³² Kodvwa uma wesilisa noma wesifazane eta kuKhristu, ngenhlitiyo letinikele yonkhe, futsi akholwe, baze (ba) ngekwelucobo intfo letsite intjintja ngekhatsi kubo, loyomuntfu unekuPhila lokuPhakadze.

³³ Futsi ngendlela lefanako lekungayo ngekuphilisa kwaNkulunkulu. Uma umuntfu eta kuKhristu, etikwetisekelo tekukholwa iNgati lecitsekile yaKhristu yayi yekuphiliswa kwakhe, “Ngemivimba yaKhe siphilisiwe tsine,” futsi siyakwemukela, kuze kubekhona lokwentekako enhlityweni yakhe, lokutsi, “Kunjalo. Ngitosindza.” Ngiyakutjela, ayikho nhlobo indlela yekubavimba kutsi basindze. Batosindza. Kunjalo.

³⁴ Awudzingi kutsi utjele umuntfu kutsi ayekele kona ngemuva kwekutsi sekatelwe kabusha. Kuvele kume nje, ngekwako.

³⁵ Yebo-ke, intfo lefanako lokungiyo, awubatjeli bantfu, “Manje chubeka ubambelele,” emvakwekuba sebaphilisiwe. Bavele nje...Kukhona lokwentekako ngekhatsi kubo. Futsi akusilo lingephandle ekhatsi; lingekhatsi ngephandle. Kwenteka ekhatsi *lapha*, kucala. Nikukholwa mbamba. Bese-ke, kusuka lapho kuphumele ngephandle, kuya emsebentini.

³⁶ Futsi, ke, ngikubonile kwenteka ngekutentekela kakhulu, loko kwabangela imimangaliso legcamile.

³⁷ Manje, ngaphambi kwekutsi sisondzele eVini laNkulunkulu, esifundvweni, asikhotsamise tinhloko tetfu umzuzwana nje sentele umkhuleko. Futsi wonkhe umuntfu, ngendlela yakho manje, asihlangane neNkhosi.

³⁸ Babe wetfu lonemusa, Babe loseZulwini, sita kuWe, ngekutitfoba kakhulu, eGameni leNkhosi Jesu, iNdvodzana yaKho letsandzekako. Sita eGameni laKhe ngoba yena Usibitile kutsi sente njalo, sitsi, “Noma yini Loyicela kuBabe ngeliGama laMi, Ngitoyenta.” Khona-ke, uma sibeka liGama laKhe, siyati kutsi sibophelelekile kutsi sibe nekukhuluma naNkulunkulu, futsi lomkhuleko utochutjwa ucondze kuYe.

³⁹ Futsi, Babe, sidzinga kakhulu impela, namuhla, imphendvulo yalomkhuleko. Futsi sita, emva kwebusuku bemkhuleko nekunaka, sidadisha Livi, sibuta nje kutsi Utotsi sitsini manje ekuseni, kulabafako, bantfu labagulako. Sati kutsi kusibopho lesikhulu kunato tonkhe, futsi sifanele siphendvule, ngalolunye lusuku, ngenca yekwetsembeka kwebunceku betfu etikwelifa laNkulunkulu.

⁴⁰ Khona-ke, sita ngekutitfoba, sikholwa, tinhlitiyo letikhotseme kuWe, sitsi, “Nkulunkulu, bani nemusa kitsi lapha namuhla. Sitsetsele sonkhe sono, Nkhosi.” Kwangatsi

lenhlitiyo, yalabantfu laba lapha namuhla, bangahlanjululwa mbamba, kutsi Moya loyiNgcwele utohamba ngendlela lemangalisako, atsatsa Livi laKhe futsi aLetfula kuyo yonkhe inhlitiyo. Futsi kwangatsi wonkhe longakholwa, namuhla, angaba ngumntfwana sibili waNkulunkulu, lotelwe kabusha. Futsi kwangatsi wonkhe umuntfu logulako angaphiliswa namuhla. Kwangatsi Moya loNgcwele angasinika loko kukholwa lokufinyelela kuko lokutokhwela ngale kwaso sonkhe sitfunti nalolonkhe lifu, bamba Nkulunkulu futsi uMletse ebukhoneni betfu, noma usiletse singene eBukhoneni baKhe. Siphakamisele ngetulu kwematfunti. Kwangatsi kungete kwashiywa sitfunti. Kwangatsi sonkhe singaletsa imiphefumulo yetfu kutsi ichumane naNkulunkulu manje.

⁴¹ Wota eVini laKho, Nkhosi. Wetsembisa kutsi Utobusisa Livi laKho noma ngukuphi lapho Lakhulunywa khona. Futsi Watsi Lingeke libuyele kuWe lingenalutfo, kodywa Liyokufeza loko Lelalihloselwe kona. Futsi, Babe, Wena Lowatfumela Livi! Manje, kwangatsi Moya loyiNgcwele angatsatsa Livi manje futsi acondze ngco etinhltiyweni tebantfu, futsi wapha kukholwa lokunganyakati, Nkhosi, lokutophilisa labagulako nalabahlaselekile. Sindzisa labalahlekile. Niketa sentakalo kulabo labangenaso. Sifihle manje emva kwaKhristu, Nkhosi. Futsi asitsi, konkhe kukhuluma kwetfu, nekushumayela, nekuvakaza, noma yini lengenteka, kwangatsi konkhe kungaba ngaKhristu, ngoba sikucela eGameni laKhe. Amen.

⁴² Uma ngicabanga ngebuhle baKhe! Manje, lesi sihloko lesejwayelekile. Busuku bonkhe, bengibonakala nje kwangatsi... Ngisho emvakwekuba sengihambile ngaya embhedzeni, angikhonanga kutfola leshioko emcondvwemi wami. Ngidzingeke nje kutsi—kutsi ngikugcine engcondvwemi yami. Noko, ngike ngasondzela kuko etikhatsini letinengi. Futsi ngangisolo nje ngisemcondvwemi wami. Futsi namuhla, ngelusito lwaNkulunkulu, ngifuna kukhuluma kancanyana, ngingati kutsini, noma akukho nalinye ligama lelilungisiwe, noma lutfo. Asishumayeli kunoma ngumaphi emanotsi. Loko nje iNkhosi letsia asikwente, futsi sicale futsi sime, futsi sitama ku, ngesikhatsi... ngekuyala kwaYo.

⁴³ Ngale eNcwadzini yaGenesisi, sahluko 22 nelivesi le 7, sifundza loku. Livesi le 7 nele 8, ngendlela nje yesihloko.

Futsi Isaka wakhuluma ku-Abrahama uyise, futsi watsi, Babe wami: futsi watsi yena, Ngilapha, ndvodzana yami. Wase utsi, Buka nangu umlilo netinkhuni: kephaphi liphi liwundlu lemnikelo wekushiswa na?

Futsi Abrahama watsi, Ndvodzana yami, Nkulunkulu utotibonela liwundlu lemnikelo wekushiswa: ngako bahamba bobabili kanyekanye.

⁴⁴ Manje, ekufundzeni Livi, sihloko lesejwayelekile impela, kodvwa ngifuna kutsatsa kwesifundvo, uma Nkulunkulu atsandza, kwesikhashana ngekutsi: *Nkulunkulu UneNdlela Leniketiwe*.

⁴⁵ Manje, imigwaco lemikhulu, umnyango wemgwaco lomkhulu, unemgwaco lomkhulu loniketwe nine kutsi nite eJeffersonville, noma ngabe uvelaphi, kwentela inkonzo manje ekuseni. Beninawo... Unemgwaco lomkhulu loniketiwe. Ulandzela umgwaco lomkhulu nje. Tfola imephu, ulandzele umgwaco lomkhulu. Kulula kabi. Hamba noma ngukuphi e-United States, ngekutfola nje umgwaco lomkhulu.

⁴⁶ Nkulunkulu unemephu lephawulile ngekuphiliswa kwetfu, ngensindziso, nemephu lephawulelwie iNkhatimulo. Konke kuholela kuleyondlela. Futsi sisahamba ngalomkhulu, umgwaco lomkhulu lomdzala, uma sidzinga i-indzawo yekuphilisa... Nitocaphela, emephini, kunetiteshi letincane eceleni kwemgwaco, lapho iNkhosi isiphe khona indzawo yekuphilisa. Unebafundisi bonkhe entasi emgwacweni, lone... lokholelwa ekuphiliseni kwaNkulunkulu, futsi bakhulekela labagulako nalabadzingako.

⁴⁷ Njengesihambi lesawa, sivela eJericho, sisuka eJerusalem siya eJericho, futsi bamtsatsa bamyisa endlini yetihambi, indzawo lencane leniketiwe. Futsi batsela emafutsa latsite ekhatsi, futsi bamniketa imali, futsi wasindza. NeNkhosi yatsi, noma lendvodza yatsi, njalo, "Uma kukhona noma yini lengetulu kwaloku, uma ngibuya, Ngito—Ngitokulungisa, uma ngibuya futsi, eluhambeni lwami lolulandzelako." Ngako, siyati kutsi Nkulunkulu unendlela leniketiwe.

⁴⁸ Esamilweni sa-Abrahama, manje ekuseni, akhulum, noma amtsatsa njengemcabango nje. Yena, ngekubona kwami, ungułomunye walabagcame kakhulu kunabo bonkhe badlali beliBhayibheli, futsi lomunye webalingisi lengibatsandzako kakhulu kubaletska kubantu njengesibonelo.

⁴⁹ Manje kumaHebheru sahluko 11, noma sahluko 12, livesi 1, latsi:

...ngekubona tsine...sikakwe lifu lelikhulu kangaka
labofakazi, asibeke eceleni sonkhe sono, ne-ne...
sisindvo, neson...lesitsandzela kalula kitsi,...

⁵⁰ Manje, siyacondza kutsi sono siyintfo yinye kuphela, loko kutsi, kungakholwa. Sono sisebunyeni bunye. Tono... Usoni ngoba unglongakholwa. UngumKhristu ngoba ulikholwa. Akusho kutsi, manje, ngalesinye sikhatsi, noma... Tikhatsi letinengi ngishito, kutsi, kubhema, kunatsa, kugembula, futsi kuphinga, kucamba emanga, leso akusiso sono. Loko titselo tekungakholwa. Nguloko kungakholwa lokukuvetako. Kungalesosizatfu ukwenta, kungoba ungu longakholwa. Kodvwa uma uba likholwa, khona-ke tonkhe letintfo leti

tictisiwe, futsi kukuphila lokusha kwekukholwa, futsi kuveta kulunga, kuthula, kujabula, lutsandvo, kukhutsatela, kulunga, kubeketela, bubele. Loko titselo, ngoba ulikholwa. Manje, Nkulunkulu... Nike nema kutsi nicabange...

⁵¹ Manje, kancanyana nje, ake sibuke ngco emBhalweni. Futsi ngiyaLitsandza, ngoba Liyindlela yaNkulunkulu. Likulunga kwaNkulunkulu.

⁵² Futsi tonkhe letintfo leti letenteka emuva eThestamentini leLidzala tatisibonelo saloko tsine lesingaba nguko uma sitsatsa intfo lefanako, nemgwaco labawenta. LiBhayibheli latsi baphunyuka esikwensi lenkemba, benta tonkhe letintfo leti letehlukene, labafile babo bavuswa. Futsi watsi, "Kodvwa loko kwakusesikhatsini seliBhayibheli" Loko kwenteka khona namuhla. Lesi sikhatsi seliBhayibheli. Kusukela Moya loyiNgewe sekefikile, kuhlala njalo kusikhatsi seliBhayibheli. Asiphumi kuko. Naloku nje, niyati kutsi sinetinhlupho kuletindzaba leti, nebantfu labangakukholwa bayohlekisa, baphukute. Bebanako emuva lapho, futsi.

⁵³ Kodvwa ngalelinye lilanga, uma kuphila sekuphelile, indzaba itococwa enhla ngaleya eNkhatimulweni, uma ingoma yekuhlengwa seyihteljelwa. O, cishe impela ngingabona sikhatsi lapho Jesu efika emhlabeni, nalabahlengiwe bemile eBukhoneni baKhe, netandla letiphakanyisiwe, kuhlabela lendzaba, "Tihlengwa ngemusa!" Lapho tiNgelosi tiyokuma indingilizi emhlabeni wonkhe, netinhloko tikhotseme, tingati kutsi sikhuluma ngani. Bebangadzingeki kutsi bahlengwe. Nguwe nami lesidzinga kuhlenga. Kwakunguwe nami kutsi Khristu wasifela. Kungalesosizatfu singahlabela "Umusa lohlengako!" INgelosi ayati lutfo ngako; ayizange seyiwe. Kuyoba sikhatsi lesinjani pho! O, hhe!

⁵⁴ Uma ngicabanga, nayo yonkhe lemibimbi lemidzala yalomtimba iyolulwa, tonkhe tinwele letimpunga tinyamalale; emahlombe lagobene acondze; "Heyi, buka kutsi Ungenteleni." Nikhuluma ngemusa lohlengako, nitoliva liphimbo lami, ngiyati nitoliva. Hhayi wami kuphela, kodvwa wonkhe umuntfu, uyoliva liphimbo labo uma bahlabela lendzaba, "Umusa lohlengako," kutsi Wasihlenga kanjani tsine. Futsi manje sinetincenyne kuphela tako. Sinesibekelo nje kuphela, sibambiso sako. Ngalelinye lilanga sitoba nayo inkhokhelo legcwele.

⁵⁵ Jesu aketanga emhlabeni futsi wafela lite nje. Jesu akazange atsatse litfuba, kutsi ete emhlabeni. Jesu bekangeke akwente loko. Nkulunkulu akaliphatsi lihhovisi lakhe eZulwini kanjalo, ngekukhululeka. Jesu weta emhlabeni kutofela inhloso, futsi hhayi nje kubona kutsi angabakhona yini umuntfu lotsite. Nkulunkulu, ngaphambi kwekusekelwa kwemhlabo, wabeka i... wayibona ngaphambil yonkhe lentfo. Niyakukholwa na? Wakubona ngaphambil! Ngekwati ngaphambil Bekakwati.

⁵⁶ Ngako-ke, Bekati kutsi kwakutobakhona liBandla lelibitelwe ngephandle, lelingenabala noma sici. Futsi kwakufanele kube nemalungiselelo lentiwe kusindzisa leloBandla, ngako Watfuma Jesu. Hhayi nje kutsi "mhlawumbe umuntfu lotsite angahle asindziswe," kodvwa Bekati kutsi ngubani lobekatokwenta. Bekatoba nebantfu lababitelwe ngephandle, futsi ningibo. Bekatoba nebantfu labatokholelwa ekuphiliseni kwaNkulunkulu, labangamukela imivimba kwentela kophiliswa kwabo, futsi nine ningibo. Nkulunkulu bekakwati. Bekati kutsi kuyoba nalabangakholwa. Kwakukhona ngalesosikhatsi. Bekati kutsi bayobakhona. Wakwati ngaphambili, ngako-ke Wakhona kusho ngaphambili kutsi kuyoba ngaleyondlela.

⁵⁷ Futsi Bekati ngaphambili kutsi kuyobakhona umuntfu lobekatokukholwa, ngako Watfumela Jesu kulabo lebebatokukholwa. Futsi naba lapha namuhla, babutsene lapha, indzawana yinye, kwemukela loko Nkulunkulu lebekakwati ngaphambili kutsi kuyokwenteka. Nkulunkulu wenta emalungiselelo alabo lebebatokholwa, futsi uyinceny eylelolungiselelo. Nkulunkulu wati ngaphambili, ngaphambi kwekutsi umhlabu uke ubunjwe, kutsi letinsuku leti tatinoba lapha, kungalesosizatfu Bekakhona kukusho kungakenteki. Bekakwati ngaphambili, futsi Wenta kulungiselela labo lebebatokwemukela.

⁵⁸ Futsi ningu labantfu, manje ekuseni, labete lapha kutsi bakhulekelwe, kutsi emalungiselelo entiwa. Nkulunkulu bekakwati ngaphambili. O, hhe! Loko kuvusa imizwa yemiphefumulo yetfu.

⁵⁹ Njengoba nicaphela Moya loyiNgewe, uma Atsatsa Livi futsi aLibeke ebandleni lonkhe, bukisisani emadlingozi etetsameli. Niyati kutsi ngentani ke? Ngiyati kutsi Bukhona baNkulunkulu bukulesakhwi. Uma ubona indlela, umphumela, Kukunyakatisa bantfu, uma ubona Livi nje; Nkulunkulu enta emalungiselelo futsi aniketa.

⁶⁰ Yona kanye nje lentfo lenita ngayo kulelitabernakeli, manje ekuseni, Nkulunkulu wakwati ngaphambili futsi wahlala ngeluhlelo, kutsi ungayemukela yona kanye lentfo lotela kutoyemukela manje ekuseni. Amen. Niyakubona na? Niyabona, yonkhe intfo seyivele ihlelwe ngalokuhlelele. Intfo kuphela lesifanele siyente kukwemukela manje. Nkulunkulu sewuvele ukutfumele. Kulapha. Manje, intfo kuphela lesifanele siyente kuyivusa futsi siyemukele.

⁶¹ Manje ufanele ukhonjiswe kutsi wemukelwa kanjani, kutsi kufinyelele kanjani bese uyakubamba. Bese-ke uma uwutfola, khona-ke uyati kutsi ulapho. Akukho lokutokucisha; kusikweneti. Kungeke kuguculwe.

⁶² Caphelani, Nkulunkulu asinika sibonelo lapha, Abrahama nemfana wakhe lomncane Isaka. Bengicabanga ngemuva ngale ngesikhatsi Abrahama aseyindvodza leyejwayelekile nje. Bekangakehluki ngalutfo kunanoma ngumuphi lomunye umuntfu. Yena mhlawumbe...

⁶³ Uyise bekasikhonti-tithico, wehlela eveni laseChaldea, nelidolobha lase-Uri, tipuma eBhabhiloni, lapho tatikhonte khona timphandze tetihlahla. Futsi bebanalomunye wesifazane enhla lapho, futsi bekafanele kuba ngunkulunkulukati lotsite nayoyonkhe intfo, lowakhiwa ngu—nguNimrodi. Futsi ngulapho la kukhontwa kwetithico kucala kwakhiwa khona, eBhabhiloni. Nebantfu bahlakatekile. NeBhabhiloni yabaletsa bonkhe ecenjini linye, njengenhloko yinye lenkhulu, noma inhlangano yinye lenkhulu.

⁶⁴ Kodvwa Abrahama uyaphuma ecenjini leladvonsa; babe wakhe. Bekashade nadzadzewabo langatalwa naye, futsi wehla, kodvwa...futsi wahlala e—etigodzini, esigodzini saseShinar. Futsi lapho Nkulunkulu wakhuluma naye, aneminyaka lengemashumi lasitfupha...noma emashumi lasikhombisa nesihlanu budzala, futsi wametsembisa indzaba yekuphiliswa kwebuNkulunkulu. Nemkakhe, Sara, bekaneminyaka lengemashumi lasitfupha nesihlanu budzala. Futsi wetsembissa kutsi ngekukholwa kwakhe, kuYe, kutsi Bekatokwenta kophilisa kwebuNkulunkulu ngenca yaSara. Amen.

⁶⁵ Sitfombe lesihle kanje pho! Kugceme kanjani pho! Kanjani, loko, uma nicaphela, kwakuhlala njalo kukukholwa kwa-Abrahama! Ngisho naSara wakungabata, futsi waze wahleka, futsi waphikisana naNkulunkulu cobo lwaKhe, leyontfo letsite, kutsi waMhleka. Kodvwa Nkulunkulu, ngekutibusu kwaKhe, bekangeke adedele emuva esetsembisweni saKhe.

⁶⁶ O, uma ningakubona loko, bafo labagulako, ngulapho la intfo letsite itokwenteka khona. Kufanele kubenjalo nje. Kuncike ekukholweni kwakho kuNkulunkulu.

⁶⁷ Manje, Nkulunkulu watjela Abrahama kutsi Bekatokwenta, futsi anikete indlela tsite, kutsi loku kwentek. Noma ngubani lapha lowendlulile, noma ngukuphi ebutjitjimi babo bekayokwati, kutsi loko kwakudzingeka kube ngulokugcamile...intfo letsite yayifanele yenteke. Kodvwa ngaphambi kwekutsi Nkulunkulu akwente, noma wakwetsembisa, Wakulungiselela ngaphambi kwekutsi Ente setsembiso. Futsi kutofanele kubenjalo.

⁶⁸ Kubantfu labahleti lapha manje ekuseni, labanemdlavuza, inkhatsato yenhlitiyo, labaphumphutsekile; kutofanele kube ngulokunye kunyakata kwalokuNgetulu kwemvelo lokutokwenta.

⁶⁹ Kwakufanele kube kunyakata kwalokungetulu kwemvelo, ngeliSontfo ekuseni, ngeliSontfo lelendlulile ekuseni, kutsatsa loyodzadze eluhlakeni alele lapha. Tihlakala letephukile, nekucina kwemitsambo, wate wangakhoni ngisho nekutigcokisa ingubo; emizuzwini lelishumi nesihlanu, wakhona kuyeleva etikwakhe. Emalungiselelo entiwa. Niyakubona na? O, intfo lenhle kangaka pho!

⁷⁰ Emalungiselelo entiwa. Nkulunkulu wati ngaphambili kutsi Bekatotfumela Abrahama, futsi Wamvumela nje achubeke ehle wate waba neminyaka lengemashumi lasikhombisa nesihlanu budzala, kukhombisa kutsi bekuyoba ngummangaliso, kuvumela Sara ahambe acondze ngco. Futsi kufanele kutsi ngabe Wakhulumu nabo ngesikhatsi baneminyaka lelishumi nesiphohlongo noma lengemashumi lamabili budzala, kodywa Wavele wakuyekela kwafika endzaweni lapho bekuyoba simangaliso.

⁷¹ Nkulunkulu uyatsanza kukhombisa eMandla aKhe. Hhayi kutsi Ufanele akwente; kodywa Uyatsanza kukwenta. Kukutsi, kuyaMtfokotisa, emandleni onkhe aKhe, kwatisa tikhonti taKhe kutsi UnguBani. Ngijabula kakhulu ngako, ngoba Wangikhombisa emandla aKhe. Ngalokwejwayelekile, uma Nkulunkulu akhombisa emandla aKhe, kungakhatsaleki kutsi bantfu bacabangani ngako, bantfu batocokotela kuko sonkhe sikhatsi. Kulungiselela tinhliitiyo tabo. Kubenta balungele. Kubenta bacine futsi balungele kubamba lokusha.

⁷² Bantfu labangakholelwka ekuphiliseni kwaNkulunkulu, nekwentiwa kwemimangaliso, akumangalisi emabandla etfu afa. Akumangalisi kutsi abuna ate abe tinkholoze lettingenaNgati. Akumangalisi liVangeli lenhlaliswano liyenelisa kakhulu namuhla, ngoba kumasemina etfu, nayo yonkhe intfo, sitsatsa sonkhe simanga lesivela kuNkulunkulu.

⁷³ NaNkulunkulu cobolwaKhe usimanga. UBunguye lobunguMdali. UnguJehova. UliCiniso lelikhulu. UkuCiniseka lokukhulu kwayo yonkhe intfo leyentiwa emhlabeni, yentiwa nguYe. Futsi Uveta ebaleni eMandla aKhe ngekuphumisa lilanga njalo ekuseni, ngekutfumela imvula yaKhe, ngekubeka imishi yenkosazana yaKhe. Wehlela etikhontini taKhe, futsi aphilise kugula kwabo futsi asindzise tono tabo. Amen.

⁷⁴ Lona kanye leligama, “Nkulunkulu,” cobo lwaKhe, leligama lelitsi *Nkulunkulu* lichaza “intfo lekhontwako.” Futsi siyaMkhonta ngoba U...Ebukhosini baKhe, kutsi Wabeka letintfo leti embikwetfu, futsi siyababona babonakala embikwemehlo etfu. Kukhatimula kanjani pho kuMkhonta! Kutsi Utati kanjani letintfo leti futsi utigcina tihlelekile!

⁷⁵ Mhlawumbe, namuhla, wena utsi, “Mnaketfu Branham, ngingumKhristu. Lentfo yefika kanjani kimi na? Kungani ngingene kuloluhlobo lwesimo na?”

⁷⁶ Yebo-ke, mhlawumbe Nkulunkulu wakwenta njengoba nje Enta ku-Abrahama naSara. Ngani, Sara washada, mhlawumbe, ku-Abrahama ngesikhatsi aseyintfombatane lelitjitjana nje. Abrahama, mhlawumbe insizwa emashumini lamabili eminyaka. Kwakunemehluko lelishumi emnyakeni wabo. Mhlawumbe yena anelishumi nesitfupha naye anemashumi lamabili nesitfupha. Ngani Bekangakhuluma nabo, watsi, "Manje, utoba nemntfwana manje ebusheni bakho. Ungalutsandza luswane lwakho manje usesemusha, futsi ungalujabulela kakhulu. Futsi utolikhulisa, futsi utoba lutoba ngumfanekiso weMsindzisi lotako," nakanjalonjalo. Ngabe wakwenta ngalesosikhatsi. Kodvwa Nkulunkulu uyatsandza kwenta imimangaliso. O! Ngiyacolisa. Kodvwa kwati kutsi Wenteni!

⁷⁷ Ngibuka buso bebantfu, ngibona wesifazane lohleti lapha lobekafa ngumdlavuza futsi beka—bekangesilutfo kuphela nje sitfunti sewesifazane, futsi bekasedvute nje nekuya ngale. Nangu uhleti, kulokukusa, uphile saka, ucinile, anetihlatsi letibovu.

⁷⁸ Naku kuhleti dzadze lomncane esitulweni lesingembili. Bengikhuluma naye nje, esikhashaneni lesendlulile, lesinye setigaba letimbi kunato tonkhe tesidzakwa. Futsi nangu lapha, akabukeki aguliswa yimizwa ngaye; ngebumnandzi nangekutifoba.

⁷⁹ Ngibuka ngephandle ngaleya futsi ngibone wesifazane emuva lapho lobeka yimphumphutse, futsi nangu lapha manje ekuseni, angakafaki ngisho tibuko emehlwani akhe.

⁸⁰ O, nguNkulunkulu enta indlela, futsi Wawkwenta eKhalvari. Ekhatsi lapho, ematsema etfu alikakhelwa etikwalokunye ngaphandle kweNgati yaJesu ngekulunga. O, Ukwenta kanjani! Kungetulu kwekutfola, kodvwa Uyakwenta. Futsi Ukwentela iNkhatimulo yaKhe. Futsi Wente emalungiselelo ako.

⁸¹ Kube bewutotsatsa umntfwanakho aye ephathini yeluhlobo lolutsite, bewungeke umlungiselele bese ulungisa ingubo yakhe, nakanjalonjalo, noma isudu yakhe lencane, noma ngabe umntfwana angaba yini, umfana noma intfombatane na? Bewuyokwenta emalungiselelo aloko.

⁸² Kube bewutojabulisa bangani, bewungeke...lidina, bewungeke ulilungise kucala lidina lakho na? Ngoba, uyatilungiselela letintfo leti. Uyatilungiselela letibusiso leti letinkhulu letitako, longatiniketa bantfu. Anitsandzi yini kujabulisa bantfu na? Anitsandzi kuphuma futsi nitsatse bantfu baye ekhaya lenu futsi nibabajulise na? Uhlanta yonkhe intfo, ulungisa yonkhe intfo. U—ubeka imbali lencane ngalapha, "Lena yindlela nje labangakutsandza ngayo." Futsi ulungisa intfo lencane lapha, "Manje, ngiyabona, ba... Bayakutsandza loku," futsi kute nitokulungisa, nje nenta

emalungiselelo. “Futsi ngiyati kutsi batsandza loluhlobo lwennyama,” ngako ulungiselela leyo nyama ibabe ngempela ibemnandzi. Ngoba, futsi uma ungeke utivele kutsi uyakwenta, utfola lomunye umuntfu ete akwente, longakwenta kancono. Nenta emalungiselelo, emalungiselelo alokutsite, ngoba nifuna simenywa senu kutsi sijatjuliswe kakhulu.

⁸³ Nkulunkulu, wafahlwa etikhatsini tasendvulo, Bekafuna bantfwana baKhe kutsi babe nalokuhle kwendlula konkhe, ngako Wenta emalungiselelo. Wakubonakalisa ngaphambili ngebabprofethi. Bekakwembulile kuKhristu. Nelitafula libekiwe namuhla. Futsi wonkhe wesilisa newesifazane lomenyiwe, unekwemukelwa kutsi ete kuleliTafula, “Ngoba Yalinyatwa ngenca yetiphambeko tefu, nangemivimba yaYo siphilisiwe tsine.” Konkhe kusembikwako! Kuniketiwe, futsi kulungisiwe. Kudla sekulungele. Kubita kuniketiwe. Wakubona ngaphambili. Wenta emalungiselelo. Yindlela leniketwe nguNkulunkulu yenu, uma imiphefumulo yenu ilambile.

⁸⁴ Lomunye dzadze utsite kimi, manje ekuseni nje, utsite, “Ngihambe ngangena kulenye yetinkonzo, ngibone bantfu bajabula kakhulu.” Watsi, “Bengingakajabuli. Ngase-ke ngiyababuka, ngase ngitsi, ‘Impela bebanentfo letsite. Ngifisa kwangatsi ngabe benginaloko.’” Impela, liTafula labekelwa loyo lophuyile, umphefumulo lolambique. Futsi ngaphambi kwekutsi inkonzo iphele, bekadla eTafuleni lelifanako. O! Ngani na? [Lodzadze utsi, “Mnaketfu Branham, kwakungimi.”—Umhl.] Loko ku—kunjalo. [“Futsi manje—manje ngiyajabula namuhla.”] Amen.

⁸⁵ Lodzakiwe, lodzakwe kakhulu, sidzakwa lesisekugcineni, bodokotela babo bese bamdzelite; nangu lapha, ajabulile, atfokota. Naloko sekucishe kube yiminyaka lemibili leyendlulile, ngiyacabanga. [Lodzadze utsi, “Iminyaka lemitsatfu.”—Umhl.] Iminyaka lemitsatfu leyendlulile. Futsi, bukani, kusasolo kubambelele.

⁸⁶ Uma uke ute kuleloTafula, kanye, futsi ubeke tinyawo takho ngaphansi kwalo, ungeke uphindze usuke futsi. Kukhulu kakhulu! Live alikaphatselani ngalutfo nako. Kuyamangalisa kakhulu kwati lutsandvo lwaKhe ngawe. Nkulunkulu, enta emalungiselelo!

⁸⁷ Manje Watsi, “Ngitovumela Abrahama...Futsi esikhundleni sekumbita manje, emashumini lamabili nesitfupha, naSarah anelishumi nesitfupha, Ngitolindza bate baguge. Ngitokuyekela kwendlule kuya esikhatsini kwa-Sara. O, ngalokwejwayelekile kwenteka cishe emashumini lamane, bese-ke...emashumi lamane, emashumi lasihlanu, emashumi lasitfupha. Cishe iminyaka lengemashumi lamabili nesihlanu leyendlulile, ngitobese-ke sengiyambita. Futsi-ke ngitovumela

Abrahama afike emashumi lasikhombisa nesihlanu, khona-ke ngitombita.”

⁸⁸ Manje, Watsi, “Abrahama, Ngitonentela lokutsite.” Loko kuhle ngalokwenele, kuphela nje uma Nkulunkulu atsi Bekatokwenta.

⁸⁹ Abrahama watsi, “Yebo-ke, Nkhosi, ngijabula impela kukutfola.” Futsi wachubeka enta kwangatsi besavele anako. Amen. Nguleyondlela lokungayo. Uma Nkulunkulu anako, Bekangeke... Bekangeke akusho ngaphandle uma Akulungisile. Uma Akulungisile, utoba muhle njengako.

⁹⁰ Kube ngikutjеле kutsi ngitokunika sihlahla sem-okhi, futsi utsite, “Kulungile, Mnaketfu Branham,” naku ngita lapha nembewu yem-okhi lencane futsi ngakunika yona. Unesihlahla sem-okhi. Impela, ngiso. Kusesimeni sembewu. Kodvwa nje kuyekele kanjalo, kuhlanyele emhlabatsini, kuyoveta sihlahla sem-okhi. Impela.

Kungaleyondlela ngeLivi. Livi liyimbewu.

⁹¹ Livi leta ku-Abrahama. Livi laNkulunkulu leta kuye, futsi latsi, “Abrahama, Ngikukhetsile.” Niyakutfola na? O, ngiyakutsandza nje loko! Hhayi kutsi, “WaNgikhetsa,” kodvwa, “NgaKukhetsa.”

⁹² Futsi kungani ulapha, manje ekuseni, logulako na? Nkulunkulu wakukhetsa. Namuhla lusuku lwakho lwekuphila. “Ngikukhetsile. Ngilungise kudla kwami kwakusihlwa. Ngikubiteli ngekhatsi. Manje, ngamunye wenu usimenywa, futsi ningenile. Futsi sengilungise yonkhe intfo, natotonkhe tibiliboco tihleti etikwelitafula, futsi nonkhe ningakudla manje.” Simemo lesinje pho! Manje, Nkulunkulu utsi manje, ngaletinye tikhatsi...

⁹³ Abrahama, Abrahama bekangeke akhone kungabata watsi, “NgiyaKubonga, Nkhosi. Ngijabula kakhulu kutfola loku, lesetsembiso lesi Longinike sona. Ngoba, ngilapha, sengimdzala, futsi bengahlala njalo ngifuna bantfwana. Ngako, sengi-sengimdzala, futsi ngi—ngingatsandza kuba nalesosetsembiso.”

⁹⁴ Yebo-ke, Abrahama wahamba, kwaba ngatsi uyakholwa kutsi loluswane lwalutotalwa ngalowomnyaka lofanako. Kodvwa, niyati, lusuku nelusuku, kwakute luntjintjo. Kwase-ke kuyahamba, lusuku nelusuku, kwase kutsi-ke emaviki ngeliviki, nemnyaka ngemnyaka, futsi kungekho ngucuko. Kodvwa liBhayibheli latsi...

⁹⁵ Manje, uma loko bekungaba nguwe nami, yebo-ke, mhlawumbe... Angisho wena nami. Kodvwa labanye bantfu, bebatotsi, “O, hhe! Nkulunkulu, Nkulunkulu ungentele phansi. Akasigcini setsembiso saKhe.” Kodvwa Wasigcina setsembiso saKhe.

⁹⁶ “Na-Abrahama,” liBhayibheli latsi, “wacina kuNkulunkulu.” Sonkhe lesikhatsi, saya ngekuba sikhulu. Manje, unemashumi lasikhombisa nesihlanu. Manje iminyaka lelishumi seyendlulile, unemashumi lasiphohlongo nesihlanu.

⁹⁷ Iminyaka lelishumi! Cabangani nje, ngulapho la ngicala kushumayela khona letinkonzo leti, neminyaka lelishumi yendlula; futsi noma kunjalo akwentekanga lutfo, umuntfu wekucala lengake ngamkhulekela, kodvwa bekasolo anika Nkulunkulu ludvumo ngoba kwakutokwenteka. Ngani na? Nkulunkulu wakulungisela.

⁹⁸ Nkulunkulu angeke akunike setsembiso ngaphandle kwekutsi kucala kube nesibekelo sako. Umuntfu lolungile bekangeke akunike lisheke, angenamali ebhange. Umuntfu lowetsembekile bekangeke. Yebo-ke, Nkulunkulu bekangeke akunike lisheke laKhe lensindziso yakho, noma kuphilisa, ngaphandle uma kwakukhona sibekelo sako. Nkulunkulu sewulilungisile.

⁹⁹ Watjela Abrahama kutsi bekatoba nemntfwana. Loko kwakucatulula.

¹⁰⁰ Watjela Nowa. Watsi, “Nowa, Ngifuna uNgakhele umkhumbi. Wakhele kusindzisa indlu yakho; umkhumbi.” NaNowa... Akukuhle yini, kuNkulunkulu na? Ngaphambi kwekutsi letehlakalo leti letinkhulu tenteke, Nkulunkulu sonkhe sikhatsi uniketa secwayiso bese wenta indlela yekuphunyula. Uyasilungisa. Watsi, “Manje, i... Nowa,” kubukeni, “Ngifuna wakhe umkhumbi.” Ngani, bebangenawo emanti emhabeni; tiyalu letincane nje. Alizange line. Kwakungekho mvula etulu etibhakabhakeni.

¹⁰¹ Futsi kubonakala kubuwula kanjani ngaletinye tikhatsi, emcondywensi wenyama, uma Nkulunkulu anika umuntfu setsembiso, kutsi live lingekeli kucondze kanjani. Akungabateki kutsi uma wemukela sibusiso saNkulunkulu futsi watalwa kabusha, wena, bantfu bacabanga kutsi uyahlanya. Batsi, “Loyomuntfu utsite nje kuphambana kancanyana.”

¹⁰² Niyabona, uhamba ngekukholwa. O, hhe! Ulungiselela intfo letsite live lelingati lutfo ngayo. Baphila kuphela nje lapho babona khona. Kodvwa siphila ngetintfo lesingatiboni, lesitikholvako, kutsi Nkulunkulu watsi kwakuliciniso. Kukholwa akubuki lutfo longalubona. Kukholwa kubuka tintfo longatiboni.

¹⁰³ Sifanele sijabule kanjani manje ekuseni, ke, wonkhe umuntfu ekhatsi lapha alungiselela kuphiliswa kwenu. Impela. “Ngitokwenta kanjani na? Angati. Kodvwa, Nkulunkulu wangilungisela kona, ngitela kutofola...ngikutfole. Nguloko kuphela. Ngitoba ngiko impela nje loko Latsi utokwenta, futsi ngitokwemukela.” Niyabona na? Ngoba yindlela leniketwe nguNkulunkulu yekukwenta. Wenta emalungiselelo.

¹⁰⁴ Manje, Nowa waphumela lapho wase ucala kwakha umkhumbi. Kulunga kwaNkulunkulu kuye; Watsi, “Manje, Nowa, lapho kulungiselela kuta lenye inkhatsato. Futsi wonkhe longekho kulomkhumbi utomita, ngako lungela bese ungena kulomkhumbi, bese ungenisa umndeni wakho lapho. Tjela wonkhe umuntfu. Wonkhe umuntfu wemukelekile kuta, kodvwa nginesiciniseko kutsi bangeke bakwente. Kodvwa uvele nje—uvele nje wente—wente kukulungiselela, nomakunjalo. Futsi nangu umkhumbi, futsi yenta lomkhumbi. Futsi wonkhe umuntfu lofuna kungena, angangena futsi asindziswe.” Ngako Nowa wahamba, akha lekhashane.

¹⁰⁵ Njengoba ninjalo, namuhla, nakha khashane ebufakazini benu. Wakha umkhumbi wakamoya, kute usindzise umphemufumulo wakho lucobo, ngenca yebufakazi bakho, nangenkhatimulo yaNkulunkulu.

¹⁰⁶ Manje bakha umkhumbi, nebantfu bayendlula futsi bahleke futsi bahlekise ngaye. Futsi batsi, “Heyi, uvile ngaloyomfo lotsi kutobakhona emanti ehlela phansi na? Atovelaphi na? Ngani, ngeke kubekhona emanti etulu lapho. Bukani, ningawabona emanti na? Kuluhlata-sasibhakabhaka nje ngako konkhe. Yeboke, siphile lapha yonkhe leminyaka, akukaze kubekhona emanti. Kwakungeta kanjani na? Kute emanti etulu lapho, nalomfo utsi, ‘Umhlaba wonkhe utombonywa ngemanti.’ Yeboke, leyondvodza ifanele nje kutsi itsi iyahlekisa kancanyana etulu lapha. Kukhona lokungalungi enhloko yakhe.”

¹⁰⁷ Kodvwa wakwentelani na? Wawentelani emalungiselelo na? Kuhlangana nekulungiselela kwaNkulunkulu? Nkulunkulu bekatolungiselela kubhubhisa titsa telive, futsi naNowa kwandzingeka akhe indlela yekulungiselela intfo letsite latogibela kuyo.

¹⁰⁸ Futsi kungaleyondlela namuhla. Nkulunkulu wente indlela yekubhubhisa loyomdlavuza. Nkulunkulu wente indlela yekukhipha bumphumphutse kulawomehlo. Nkulunkulu wente indlela. Futsi sitama kwentani ngaleLivi, manje ekuseni na? Kungukutsi, kwakhela nine lokutsite kutsi nigibele nendlule kuko, kuncoba kwenu. Livi laNkulunkulu, ISHO KANJE INKHOSI, niyabona, agibebe eVini laKhe. “Nkulunkulu washonjalo!”

¹⁰⁹ Emvakwesikhashana, ngesikhatsi Nkulunkulu sekakulungiselela kutsi kwenteke, imvula yayisenhla lapho. Futsi uma Nkulunkulu sekakulungiselela kutsi kwenteke, kuyohlala njalo kukhona. Niyabona na? Nkulunkulu wenta indlela yaKhe, emvakwekuba Sekente emalungiselelo. Kulungile.

¹¹⁰ Wenta intfo lefanako, Bekatotidvumisa Yena lucobo kubantfwana bemaHebheru. Wenta emalungiselelo. Wasenta nini na? Bantfwana bemaHebheru bebete setsembiso. Bebaneke

babuye lapha futsi bafundze eBhayibhelini, futsi batsi, "Nkhosi, Wetsembisa eVini laKho kutsi noma ngumuphi webantfwana baKho lowake wangena esithandweni semlilo, Utobakhulula. Kulungile, Nkhosi, sita khona lapho etikwaloko." Yebo-ke, loko bekungeke kubelukhuni kakhulu kukwenta; kukholwa kwabo nje, ngoba Nkulunkulu bekasavele akwetsembisile. Kodvwa Nkulunkulu bekangakabetsembisi intfo lenjalo.

¹¹¹ Kodvwa, nankha emavi lebebanawo. Nkulunkulu bekaphatseka sibili kubo; batsi, "Nkulunkulu wetfu uyakhona." Kutsiwani ke ngaloko, lomfo longakholelw ekuphiliseni kwebuNkulunkulu na? "Nkulunkulu angakhona kusikhulula, asite lesithando semlilo, kodvwa singeke sikhotsamele phansi tithico takho." Futsi ngesikhatsi bahamba bangena esithandweni semlilo, etikwalokungenasibonelo, kukholwa nje lokuphelele, kutsi Nkulunkulu bekangakhona; bangakatsenjiswa, kodvwa Bekenemandla ekukwenta. Nkulunkulu wafumela Khristu esithandweni semlilo, futsi waphephetsa umlilo wesuka kubo, futsi wabavikela futsi wabakhipha. Impela. Kodvwa, ngitsi, Nkulunkulu uyakwati.

¹¹² Manje awuti, utsi, "Nkulunkulu uyakwati." Awudzingi kutsi ute naloko.

¹¹³ "Nkulunkulu, Wetsembisa! Amen! Wakulungiselela eKhalvari, futsi Ngitele kutokwemukela. Kulungiselela kwaKho. Wakuniketa. Futsi Wakwetsembisa, futsi ngibona labanye bakwemukela, ngako ngiyeta, nami, Nkhosi, kutfola incenyen yami yako." Utohamba ungumuntfu lowehlukile. Utohamba nesismiso lesingaka ngekhatsi emphefumulweni wakho, kutsi akukho lokungakukhuba. Uyati kutsi upholisiwe. Uyati kutsi Nkulunkulu ukunakekelele lendzaba, ngoba Wetsembisile.

¹¹⁴ Uniketa kuhlolwa netivivinyo ngaletetsembiso leti. Yena, tikhatsi letinengi, Wakwenta.

¹¹⁵ Futsi akutsi bantfwana bemaHebheru beve konkhe lokusindzako kwemlilo kuta kubo.

¹¹⁶ Wavumela Danyela eve kubhodla kwelibhubesi, futsi mhlawumbe kuphefumula kwalo lokushisako kumeyeme. Lawomabhubesi, nemlomo wawo uvulekile, alambile, phansi kulomgodzi. Nemabhubesi aphutfuma ngco aya kuye, nangekubhodla lokukhulu nekuchuma, aze alungela kumcedza Danyela. Khona masinyane nje, bekambonywe yiNgelosi. Amen! Kukhanya kwatungeleta Danyela. Akungabateki kodvwa KwakuyiNsika yeMlilo leyahola bantfwana baka-Israyeli.

¹¹⁷ Tilwane tesaba umlilo. Niyakwati loko. Tiyesaba kukhanya. Ungakhanyisa kukhanya ebusweni banoma ngusiphi silwane, futsi sitobaleka.

¹¹⁸ Futsi mhlawumbe Nkulunkulu wakhanya, ngoba Nkulunkulu uphila ngekukhanya. Nkulunkulu unguMlilo

locotfulako. Futsi mhlawumbe, khona masinyane nje, angati, washo, kutsi kuyokwenteKani. Kodvwa bamphonsa emgodzini wemabhubesi. Wase-ke uMoya loyiNgcwele wawulapho, nemabhubesi akhweshela emuva futsi alala phansi. Kwakunjani loko na?

¹¹⁹ Akumangalisi, Saint Agnamus, ngesikhatsi afa, ngesikhatsi efika esiphambanweni futsi bebatombulala. Futsi wagijimela kuloko, wagona siphambano futsi wasanga, kutsi beba tomfakalitiyela futsi bamtsele ngetinsiba. Wase utsi, “O siphambano saKhristu, ngiyacolisa kuperhela kutsi benginekuphila kunye nje lengingaNikela kona. Ngiyacolisa nje kutsi benginekuphila kunye kuperhela lenginanikela Kona.”

Batsi, “Uyesaba na?”

¹²⁰ Watsi, “Ngiyesaba na?” Futsi bamgocota tandla takhe esiphambanweni, bamtsela ngelitiyela, futsi baphonsa tinsiba etikwakhe, babeka umgcoma welitiyela lengaphansi. Futsi bagibela bendlula, ngencola, babese bajika sidlwane lesivutsako elangabini, futsi lakhuphuka lamtungeleta. Futsi emvakwekutsi bantfu sebacedzile kujabula kwabo futsi baniketana ematje abo, lomunye kulomunye, kutsi bese bakukhweshisile lolokubakhatsatako, umshumayeli wekulunga, kwentekani na? Umlilo washiswa waphela, nalongcwele bekalenga esiphambanweni, advumisa futsi abusisa Nkulunkulu. Nkulunkulu wamlungisela indlela yekuphunyula, khona kanye ekhatsi emlilweni. Bekalungise indlela. Ngani na? Ufika ngesibindzi, ngesibindzi.

¹²¹ Nguleyondlela lesita ngayo etetsembisweni taNkulunkulu. Sita ngesibindzi kutotemukela. Asiti, ngekxesaba, sitsi, “Mhlawumbe ngitokwenta. Mhlawumbe ngi...Ngiyacolisa lelitako, mhlawumbe *loku* kutoba *nguloko*.” Cha. Sita nesiciniseko enhlitiyweni yetfu, sitsi, “Nkulunkulu, ngaKhristu, ulungise indlela, futsi ngita kutokwemukela.” Kuyintfo lelula uma ubuka futsi ubone kutsi lesetsembiso sentiwa ngani, uma ubona kutsi kwaku nguNkulunkulu lowenta setsembiso. Uma Nkulunkulu enta setsembiso, Nkulunkulu angakhona kugcina setsembiso saKhe.

¹²² Ngesikhatsi loyomake lomdzala lomesabako nkulunkulu, ngeliSontfo lelendlulile, alele lapho, ngase ngitsi, “Make, uyakholwa kutsi Nkulunkulu utosigcina setsembiso saKhe na?”

¹²³ Watsi, “Ngenhlitiyo yami yonkhe.” O, hhe! Kwaba nguloko-ke. Nguloko lokwakwenta.

¹²⁴ Nguloko lokwakwenta, lapha kungesiko kadzeni, kume eKarlsruhe, ejAliman, ngesikhatsi umfana wami nalomunye umuntfu bekatfumela bantfu elayinini lalabakhulekelwako. Nako kufika lencane, leyimphumphutse, intfombatane yaseJaliman. Yayiyimphumphutse ngalokuphelele. Futsi ngangingati kutsi kwakuyini indzaba ngalomntfwana.

Bamsukumisa nje. Lentfo lencane yayihamba isuka ngembili; lomunye wambamba. Futsi bekanetinwele letente kugocana kancane, tintsambo tetinwele tilenga phansi, tilukiwe; levamile nje, lencane, intfombatane yaseJalimane; lengakaze ibone, kuyo yonkhe imphilo yayo. Futsi ngesikhatsi bamletsa lapho, bekangati nje kutsi utoyaphi. Futsi wangigaca. Ngendlela, ngifake lesudu lefanako, lenginayo. Wangigaca ngemikhono yakhe lemincane. Wakhulumma lokutsite ngesiJalimane; ngangingati kutsi kwakuyini. Lomhumushi watsi...Ngatsi, “Utsiteni na?”

¹²⁵ Watsi, “Watsi, ‘Ungumnaketfu lotongikhulekela na?’” O, hhe! Intfo lencane letsí ayifane nalena, letsí ayibe njengaRebekah wami lomncane.

¹²⁶ Ngase ngitsi, “Yebo, s’thandwa. Ngibuya le e-United States, kutokukhulekela.” Wabeka lokuncane kwakhe...wangigaca ngemikhono yakhe lemincane, wabeka inhloko yakhe lencane etikwelihlombe lami. Siciniseko nje, mntfwana kubamelula, Nkulunkulu waseZulwini bekatohamba, ngalenye indlela.

¹²⁷ Emizuzwaneni lembalwa, wavula emehlo akhe lamancane. Watsi, “Ngabe...Nitibita ngekutsini letotintfo na?”

“Tibane.”

¹²⁸ Make wakhe wagcuma futsi wamemeta, futsi wagijima waphuma eticatfulweni takhe, wagijimela ngembili. Watsi, “S’thandwa!”

Watsi, “Make, o, umuhle kakhulu.”

¹²⁹ Ngani na? IKhalvari yalungisa, yenta kulungiselela kuphiliswa kwemehlo akhe. Impela. Utela kutokwemukela loko Nkulunkulu lebekakuniketile.

¹³⁰ Nkulunkulu unikete ngamunye. Nkulunkulu uniketa siciniseko. Mhlawumbe kugula kwakho kube ngulokuchubekako. Mhlawumbe sewube nako iminyaka, futsi utame watama. Utamile.

¹³¹ Abrahama wetama. Ngesikhatsi asetulu, aneminyaka lelikhulu budzala, cishe, Nkulunkulu wabonakala kuye ngalelinye lilanga. Futsi Watsi, “Abrahama, nginguNkulunkulu Somandla. Hamba embikwami futsi uphelele.” Iminyaka lelikhulu budzala, ngeo ekhulwini. “Hamba embikwaMi futsi uphelele. NginguNkulunkulu Somandla.” Futsi uma bewungawephula lawomagama ehle... .

¹³² Ngalesinye sikhatsi, mhlawumbe, ngitotsanza kuba nemvuselelo etabernakeli, noma lapha ejeffersonville, uma sitfola lithende letfu netintfo kuhleti ndzawanatsite, lapho singatsatsa khona lawomavi futsi siwahlatiye niyabona kutsi bachaza kutsini, tinchazelo nje talawomavi.

¹³³ Somandla, ngesiHebheru, ngu *El Shaddai*, lokuchaza kutsi, “libele,” njengewesifazane. “Abrahama, ngita kuwe egameni laLonemabele, Nesi, u—uMniketi-kuPhila.”

¹³⁴ Njengeluswane loluncane uma lugula, niyati, make ulubamba ebeleni lakhe futsi uyalumunyise. Naloluswane loluncane lutetema futsi luhkala, futsi luncama, kodvwa luvele lulale lapho nje futsi lumunye, futsi lucine. Luyimunya kuphi imphilo yalo na? Kumake.

¹³⁵ NaNkulunkulu ubonakala kitsi namuhla, njenga El Shaddai, LoNemabele; omabili, liThestamenti leLisha naleliDzala, nje agewelete tetsembiso njengoba tingabanjalo. Hhayi libele; kodvwa, “lonemabele,” lamabili. Ngani na? Wafela inhoso lengetulu kwayinye. Yalinyatwa ngenca yetiphambeko tetfu; ngemivimba yaKhe, Nkulunkulu waniketa indlela yekuphiliswa kwetfu. Niyabona na? Lomunye wensindziso yetfu; lomunye wekuphiliswa kwetfu. “NginguLonemabele. Nginabofakazi lababili. Ngemlomo wabofakazi lababili akutsi lonkhe livi liciniswe.”

¹³⁶ EThestamentini leLidzala, Bekangu*Jehova-jayira*, “umhlatjelo loniketwe yiNkhosi.” Bekangu*Jehova-rafa*, “iNkhosi lekuphilisako.” EThestamentini leLidzala, emagameni aKhe layinhlanganisela yemagama langetulu kwalinye, Bekangumphilisi, waJehova-rafa.

¹³⁷ EThestamentini leLisha, UnguJesu Khristu longuye itolo, namuhla, naphakadze. Kulungiselela. Besingalitsatsa kusukela kuko kokubili liThestamenti leLidzala noma leLisha, siwahlanganise ndzawonye. Kungalesosizatfu, ikakhulu, ngiya eThestamentini leLidzala, kuyotsatsa sihloko, ngoba ngikuletsa ngale eThestamentini leLisha, futsi ngikudvonse ngikuhlanganise ndzawonye futsi nginikhombise, nguNkulunkulu lofanako lonemabele.

¹³⁸ Yena Loyo lowaphunyula Danyela ekufeni, ngekutfumela iNgelosi, nguNkulunkulu lofanako losekhatsi lapha manje ekuseni. NguNkulunkulu lofanako, lowaniketa imphumphutse Bhathimeyosi kubona kwakhe, lowaphilisa leyo lencane, intfombatane yaseJaliman. Akehluleki. UnguNkulunkulu, Jehova. Angeke. Wenta kulungiselela. Futsi Unikete indlela yetfu sonkhe. Unikete kuphunyuka.

¹³⁹ Futsi Watjela Abrahama kutsi, “NginguLonemabele. Manje, Abrahama, intfo kuphela lofanele uyente kutsi uchubeke umunye, umunye.”

¹⁴⁰ Futsi caphelani luswane loluncane, uma lugula, akunandzaba kutsi lugula kangakanani. Manje, kubomake, yatini loku. Akunandzaba kutsi ugula kangakanani lolomncane, kuphela nje uma amunya, uyeneliseka. Futsi ngaletinye tikhatsi ulungisa lubisi lwakhe loluncane, uma kungeli—libhodlela, futsi

ulungisa lubisi lwakhe loluncane bese ufaka ema-vithamini kulo.

¹⁴¹ O, kutsandzeka kanjani pho! Niyati, mhlawumbe sonkhe sitinswane telibhodlela taNkulunkulu, mhlawumbe besingasho njalo. Futsi Nkulunkulu bekasandza kuniketa emabhodlela lamabili, liThestamenti leLisha naleliDzala, futsi Wavele wawisa emavithamini onkhe kuwo. Futsi lapho sisamBamba, sihamba siyomunya, asineliseki nje kuphela, kodvwa siyaphiliswa, ngaso sonkhe sikhatsi lesifanako. Sinemavithamini akamoya. Asolo nje asakha, asenta sibe nemandala kakhulu, sibe nemandala. Kuhle. Anekhalisiyamu yematsambo. Ya. Anenhlanganisela yavithamini B wemitsambo. O, linako konkhe kuko. Lonkhe likhabethe lemitsi yaNkulunkulu lawela kuyo. Konkhe kwakuse bhodleleni, kufakwa ebhodleleni, futsi Walivula eKhalvari.

¹⁴² Ngako, ngeKhalvari, singondleka sibuyisele nanoma ngutiphi tibusiso letihlengiwe Jesu latifela. Sikhali, lesimelele sono ngena yendzawo yetfu, sagwaza luhlangotsi IwaKhe, tinyawo taKhe, tandla taKhe, inhloko yaKhe. Futsi, ngekophya kwemphilo yaKhe, sondleka simuyele emuva ekuPhileni, futsi, konkhe loko lokwasilahlekela ekuweni emuva ngaleya. Nkulunkulu usinikete indlela. Nkulunkulu unikete indlela yekuphunyuka.

¹⁴³ Manje, lapha Isaka lomncane beka, ngesikhatsi atalwa, emvakwekuba Abrahama seka nelikhulu; naSara bekasacishe abe nelikhulu, cishe aneminyaka lengemashumi layimfica budzala. NaNkulunkulu waletsa Isaka lomncane kutsi abekhona. Na-Isaka lomncane watalwa. Futsi ngesikhatsi atalwa, yebo-ke, wawujabule kangakanani pho umndeni! Benta lidzili ngelilanga lebekalunyulwa ngalo. Abrahama wamsoka emvakwetinsuku letisiphohlongo. Futsi lapha uba yinsizwa manje, letsit ayibe nelishumi nesitfupha. Nkulunkulu watsi, “Manje, Abrahama, ngifuna kubona nje kutsi unekukholwa lokungakanani impela. Ngitokunika lokutakujabhisa ekuphiliseni kwakho kwaNkulunkulu, ubone kutsi utoNgetsema khashane kangakanani.”

¹⁴⁴ Niyati, ngaletinye tikhatsi ubanetinjabhiso. Nike nakwati loko na? Ngibe nencumbi yabo. Yebo, bengisolo ngishumayela liVangeli iminyaka; kujike kubuye kimi, ngigule kakhulu, ngingati kutsi ngitokwentanjani ngalesinye sikhatsi, kodvwa sisimiso sami sibambelele. Amen. Vele ukusimise eKhalvari, futsi utsi, “Nkulunkulu! O, angiyiboni iKhalvari. Emagagasi amatima kakhulu! Bantfu bami basho konkhe loku. Dokotela utsi ngingeke ngiphile. Kodvwa, Intfo letsite ekhatsi lapha, lilayini lekuPhila lisasolo libambele.” Libambele!

¹⁴⁵ Nike nawubona umkhumbi lonenethi ledvonswako, lwandle...inethi yelwandle, njalo? Iyohamba idzabule

emagagasini.

¹⁴⁶ Ngalesinye sikhatsi singaphansi kwemagagasi; ungeke ukhone kubona ngakuwe, noma kukuyiphi indzawo. Kodvwa vumela nje sisimiso sakho sibambelele lapho. Kutokugcina, lapho sisimiso sesicala kubambelela. Futsi ekuguleni netintfo, Nkulunkulu bese-ke ukukhipha konkhe kahle. Tibhakabhaka ekugcineni tiya ngekucaca. Yonkhe intfo itfola konkhe kahle. Ibambe ngekhatsi kweveyili.

¹⁴⁷ Watsi, “Manje ngitokutekisa licala, Abrahama.” Watsi, “Ngifuna utsatse lomfana wakho loneminyaka lelishumi nesitfupha budzala. Ngifuna umkhiphe lapha, futsi ngifuna umbulale manje.”

¹⁴⁸ “Ngitoba kanjani nguyise wetive na? Kanjani, kulomfana, kutoba kugobhota Khristu na? Futsi kutoba kanjani uma ngimbulala?” Yebo-ke, manje, ucabanga kutsi, “Uma Nkulunkulu enta setsembiso, kukuNkulunkulu kukunakekela konkhe lolokunye kwako.”

¹⁴⁹ Ngako, utsatsa lomfana lomncane. Bekangeke amtjele lomake. Futsi kuhamba lu-luhambo lwetinsuku letintsatfu ubuyele elugwadvule. Manje, umuntfu angahamba cishe ngemashumi lamabili nesihlanu, emamayela langemashumi lamatsatfu ngelilanga, ngako kufanele kutsi bekakadze akhweshe ngemamayela lalikhulu emphucukweni. Wase-ke ubona lentsaba iksahane. Watsi ku-kulabo lobebabambe iminyuzi, watsi, “Hlala lapha.” Manje, ngifuna nicaphele loku, nine bantfu logulako. Watsi, “Wena hlala lapha ngesikhatsi lomfana nami siya ngaleyela kuleyontsaba futsi sikhuleka, futsi sitobuya. Sitobuya.” Kanjani . . .

¹⁵⁰ “Utobuya kanjani, uma utomtsatsa umkhuphulele lapho futsi umbulale na? Futsi Nkulunkulu wakutjela kutsi umbulale, emavi lacacako eku ‘tsatsa imphilo yakhe,’ futsi utotsatsa imphilo yakhe, utobuya kanjani na?” Loko kukuNkulunkulu. O, hhe! Niyakubona na? Mhlawumbe ngimi nje, lonemadlingozi manje ekuseni. Niyabona na? Utobuya kanjani na?

Kodvwa, Nkulunkulu watsi ku-Abrahama, “Hamba ukwente.”

¹⁵¹ Abrahama watsi, “Ngamemukela njengalovela kulabafile. Futsi uma ngimbulala, Nkulunkulu unemandla ekumvusa futsi. Nkulunkulu waniketa setsembiso kutsi yena, ngaye, uMsindzisi bekatofika, futsi ngandlela tsite Nkulunkulu utokwenta.”

¹⁵² Mosi. Uyise nenina waMosi kwakudzingeka bente intfo lefana naleyo. Utoba kanjani Mosi, akhulule bantfu, ngesikhatsi babona kutsi beka ngumntfwana lomuhle, uma bamshovalela ngephandle lapho ekhatsi nesicuku setingwenya na? Utoba kanjani ngu—ngumkhululi na? Utokwenta kanjani? Yebo-ke, bamemukela ngaleyondlela, ngako bamfucela emuva

etingwenyeni, ati kutsi Nkulunkulu bekangakunakekela. Futsi Nkulunkulu wakunakekela.

¹⁵³ Nkulunkulu wabeka sandla saKhe eBandleni laKhe. Nkulunkulu wabeka sandla saKhe etikwendvodza yaKhe, kulowesifazane waKhe. Nkulunkulu angakhona kunakekela simo.

Ngako, Abrahama watsi, “Sitobuya.”

¹⁵⁴ Uma usuka ekhaya manje ekuseni, ngabe umtjelile umyen'i kutsi, “Uma sengibuya, ngiyobe ngitiva ngehlukile”? Yebo, mnumzane.

“Utokwati kanjani?”

“Angati; kodvwa ngitokwenta.” O! Amen!

¹⁵⁵ “Ngitokwehluka uma sengibuya. Bukisisani nje futsi nibone.”

“Utokwenta kanjani?”

“Nkulunkulu utoniketa.”

¹⁵⁶ Lapho, ngeskhati leli lelikhulu, li-awa lelibucayi lifika, futsi benyukela esicongweni sentsaba. Na-Abrahama wakhipha umukhwa wakhe, wase utsatsa lomfana lomncane. Futsi washo lombuto kuye, watsi, “Babe, nati ti—tinkhuni, futsi nayi i-altari, kepha uphi umnikelo wekushiswa?”

Watsi, “Nkulunkulu utoniketa umnikelo.”

¹⁵⁷ Leso akusiso yini sifundvo kitsi? Nkulunkulu utoniketa. Asikho sidzingo sekutsi siphatseke kabi nganoma yini. Nkulunkulu utokuniketa.

¹⁵⁸ Ngibuke lokutsite khona manje, kodvwa kungakubhidlit'a futsi kungone. Manje, ningivile ngingena, ngiphuma etinkonzweni; ngaya kuyosebenta neMnaketfu Wood emuva lapho. Kodvwa Nkulunkulu wehla, ebusukwini lobumbalwa lobendlulile, embonweni, futsi wangitjela futsi wangikhombisa kutsi angenteni. Uma nje uMetsembe, Uyamangalisa. Wati konkhe. Utoninika lokuhle kwendlula konkhe lokukhona.

¹⁵⁹ Ngibuke iPontiac yami lendzala ngalelelinye lilanga, yase icale kuguga manje. Lokuhambisa umfutfo wemoya ihydromatic kuyaphuma, kuyo. Futsi nginemantfomatane lamabili lamancane lagcumagecuma kakhulu, etitulweni, futsi acishe aphula letitulo, tiphume kuyso. Futsi ngahamba ngayilungisa. Nalendvodza yatsi, “Billy, ngitokutjela kutsi ngitokwentani,” yatsi, “Ngitokunika kuntjintjisa lokumnandzi kwaloko.”

Ngatsi, “Ngingakuntjintjanisa kanjani loko na?” Ngatsi, “Ngingeke ngikwente.”

¹⁶⁰ Watsi, “Yebo-ke, wena u...O, kubonga kwakho kuhle ngalapha, kuphela nje uma ukufuna. Ngitobamba inothi yakho.”

Ngatsi, “Loko kuhle kakhulu, kodvwa angikhoni kukwenta.”

¹⁶¹ Watsi, “Ngitokunika lokuhle sibili kuko.” Watsi, “Ngekuba ngumshumayeli, ngitokutsengisela ngeyasehholiseli.”

Ngatsi, “Loko kuhle, kodvwa, niyabona, ngi—ngingeke ngikhone kukwenta.” Niyabona na?

¹⁶² Wase utsi, “Yebo-ke, uma uke utsatse umcabango wekuntjintjanisa, ungartise.”

Futsi ngatsi, “Kulungile.”

¹⁶³ Ngako-ke ngacabanga, “Yebo-ke, Nkulunkulu, ngi... Lentfo lendzala ilungile kimi. Kuhle futsi kuhle kakhulu, loko neloli yami lendzala.” Ngatsi, “Singahamba sishaye, eveni lonkhe, nalo. Kulungile. Bengisolo ngikwenta yonkhe leminyaka; ngingachubeka.”

¹⁶⁴ Futsi ngalolobunye busuku, lucingo lwavela eCalifornia. Nendvodza yangibitela enhla, indvodza lengu sotigidzigidzi. Watsi, “Mnaketfu Branham, nhloboni yemoto lonayo na?”

Futsi ngatsi, “NginePontiac leneminyaka lemine budzala.”

¹⁶⁵ Watsi, “Mhla tingemashumi lamatsatfu nakunye kulenyanga, kutawuba nalamaney emaCadillac lamakhulu kunawo onkhe, lentiwe, utoletfwa futsi uhlale emnyango wakho, wentele inkonzo kuwe.”

¹⁶⁶ Ngatsi, “Cha. Ungakwenti, mnaketfu. Ngiyacela.” Ngatsi, “Ungakwenti.” Ngatsi, “Uma...Ungakwenti.” Ngatsi, “Bomakhelwane bami bebangeke bakucondze loko, neabantfu. Angidzingi iCadillac.” Ngatsi, “Tsatsa lentjintji bese uyiniketa lomunye umuntfu. Futsi uma ufuna kungisita, ngitfolele iFord, kulungile, noma iChevy,” ngasho.

¹⁶⁷ Watsi, “Cha, loku sekuvele kutsengiwe, futsi kuhleti lapha.” Angati kutsi ngitokwentani ngako.

¹⁶⁸ Kodvwa, niyabona kutsi kuyini, nguNkulunkulu. Nkulunkulu, esihawini saKhe, aniketa. Ngaletinye tikhatsi intfo ingehla impela, lapho simangala khona kutsi kutoba kanjani, kodvwa Nkulunkulu sewuvele uniketile. Uvele nje akuphakamisele etulu lapha, atfole intalo kuko, niyabona, kukunika yona.

¹⁶⁹ Futsi ngembono, manje ngiyayendza ngiphumela ngaley. Naku kufika incwadzi, ingena isuka lapho, iya kumuntfu, ngalelelinye lilanga. Kwatfunyelwa, kutfumela kimi manje, lenkhosi yesive, ngesheya—ngesheya kwetilwandle. Futsi watsi, “O, imimangaliso netintfo, yentekile entasi ejalimane!” InkhosiyaseDenmark, yatsi, “Wota ngalapha, Mnaketfu Branham, futsi utokhonta bantfu bami, eGameni leNkhosi Jesu.” Futsi ngaso impela sikhatsi lapho bengicabanga khona kutsi Nkulunkulu

sewungigeze wangicedza, futsi sengicedzile, Uhlela lokusha. Haleluya!

¹⁷⁰ Futsi-ke, ngesikhatsi, ngangivamise kutsatsa bantfu ngekuhlola lokufihlakele, ngamunye ngamunye. Ufake enhlitiyweni yami manje intfo lengingeke ngabanesibindzi sekukhuluma ngayo kulesikhatsi lesi. Futsi angisilo luhlanya, futsi niyakwati loko; impela seningati kahle ngalokwenele. Kodywa bukisisani kutsi kwentekani manje. O, hhe! Kuyoba khashane ngale. Niyabona na?

¹⁷¹ Ngalesinye sikhatsi ngebumnyama lobendlula bonkhe bemzuzwana, bese-ke Nkulunkulu uyeta agibele angene. Haleluya! Nguleyondlela Nkulunkulu lakwenta ngayo.

¹⁷² Nguleyondlela Nkulunkulu lakwenta ngayo kuwesifazane lonemopho. Li-awa lakhe lelimnyama kunawo onkhe, kwase-ke kufika Jesu.

¹⁷³ Kwakuli-awa lebantfwana bemaHebheru lelimnyama kunawo onkhe, wase-ke Nkulunkulu ugibela wangena emimoyeni yesikhatsi, futsi waphephetsa umlilo wasuka kubantfwana bemaHebheru.

¹⁷⁴ Kwakuse-aweni lelimnyama kunawo onkhe la-Abrahama, ngesikhatsi advonsa umukhwa, wase ubeka umfanyana wakhe lucobo emuva, wase udvonsela inhloko yakhe emuva; nenhlitiyo yakhe emlonyeni wakhe, njengoba kwakunjalo. Indvodzana yakhe lucobo, futsi wadvonsa umukhwa, kusika umphimbo wakhe, ngoba Nkulunkulu bekashito njalo. Kwakungumzuzu lomnyama kakhulu, ngesikhatsi Nkulunkulu, Jehova, abonakala enkhundleni. Watsi, "Abrahama, misa sandla sakho. Sengivele ngikuniketile, vele."

"Wente ini?"

"Senginiketile, vele, umhlatjelo."

¹⁷⁵ Abrahama watsi, "Ngitobita lendzawo ngekutsi yiJehova-jayira, ngoba iNkhosi iniketile."

¹⁷⁶ Futsi cishe ngalesosikhatsi, sihanca sicala kukhala ehlane, sibanjiwe, netimpiphondvo taso tonkhe tibophekile etihlahleni. Savelapho lesi sihhanca? Ukhweshe ngemakhilomitha lalikhulu nemashumi lasitfupha emphucukweni. Tilwane, emabhubes, netimpishi, netintfo, nemankentjane, abezulazula etinkhangala lapho, abengayibulala. Futsi ngaphandle kwaloko, silena etulu esicongweni sentsaba, lapho kungekho manti khona, kungekho tiyalu, kungekho lutfo lwaso kutsi sidle. Ngesikhatsi lesifishane, nasi sihhanca sibanjiwe ehlane, ngetimpiphondvo taso.

¹⁷⁷ Kwakuyini na? Jehova, Nkulunkulu, wakhuluma lesosihhanca sabakhona. Impela, Wakwenta. Kwakungesiwo umbono. Wabulala sihhanca. Ingati yaphuma kuso. Kwakusihhanca sibili. Impela, sasikhona. Nengati yatfululeka iphuma kuso. Futsi si—sihhanca sabakhona, umzuzu munye,

futsi saphuma ngemzuzu lolandzelako. Kwakuyindlela leniketwe nguNkulunkulu kuniketa sibusiso emntfwaneni waKhe lebekaMetsema ekupheleni kwemgwaco.

¹⁷⁸ Nkulunkulu angakwenta, kulomzuzu, kukhuluma wonkhe umdlavuza uphume kulesakhiwo, avule onkhe emehlo laphumphutsekile, bekangakhulula wonkhe umuntfu, labaMkhwlwako. Nkulunkulu unikete indlela. Wente indlela. Watfumela iNdvodzana yaKhe, Khristu Jesu, naMoya loNgcwele uyafukamela etikwetfu namuhla. Moya loNgcwele usetikwetfu. Uyasibusisa. Uletsa simo sendzawo.

¹⁷⁹ Kungani ungatsatsa licandza lesikhukhukati bese ulifaka endlini yekufukamela na? Sikhukhukati samake asidzingi kutsi sibe ngale kwelicandza, kulichobosela. Kuze nje libe nekufutfumala etikwalo, litochobosela.

¹⁸⁰ O, Nkulunkulu, Watfumela Livi laKhe. Futsi nguloko lengetama kuninika kona, Livi laKhe, setsembiso saKhe. Walungiselela eKhalvari. Walungisela umhlatjelo wekuphiliswa kwakho manje ekuseni. UnaWo lapha. Futsi UyaLicaphela. Futsi niyaWutfola enhlitiyweni yenu, naMoya loNgcwele uyaWufukamela. Kuyobita kuPhila futsi kuvete kona kanye nje loko Nkulunkulu latsi Kuyokuveta. Lonkhe Livi liyoveta kona kanye nje loko Lelakwetsembisa, ngoba Nkulunkulu uLiniketile.

¹⁸¹ Bukani emalungiselelo. Uma umuntfu alungiselela kufaka kwabo...kuhlela tinkhukhu tabo netintfo, kutsi bawakhetsa kanjani emacandza awo futsi bawabeke ngaphansi kwendlu yekufukamelisa, futsi bawafaka endlini yekufukamelisa, nekutsi kushisa kucondziswe kanjani. Loko kushisa kugcinwe etikwalelocandza lize lichoboselwe.

¹⁸² Futsi Nkulunkulu uhleleke kahle kakhulu, kutsi ngalelinye lilanga...Kuyo yonkhe imifanekiso, emuva nga-Adamu, nga-Eva, kwehle njalo ngebaprofethi, kwehle njalo nga-Abrahama, Wakuhlela. Wakubeka konkhe eThestamentini leLidzala, akhombisa Lebekatokwenta.

¹⁸³ Futsi Wakucedza eKhalvari, ngesikhatsi Atfumela Jesu, "Lowalinyatwa ngenca yetiphambeko tetfu; wahubulwa ngenca yebubi betfu; sijeziso sekuthula kwetfu sasise tikwaKhe; ngemivimba yaKhe saphiliswa tsine." Wakucedza eKhalvari.

¹⁸⁴ Wase-ke Ugcoba bashumayeli futsi waLitfumela, manje, kuletsa Livi, futsi wafaka emacandza endzaweni lefanele, indzawo. Bese-ke Utsatsa leLivi lelifanako bese uyaLisimisa ngephandle lapho, bese-ke uyeta futsi aLifukamele, ngaMoya loNgcwele, lize leloLivi libe kuPhila enhlitiyweni yemuntfu, nabo bonkhe bodeveli labaphuma esihogweni bebangeke bagcine kuPhila kuphume kuko. Yebo, mnumzane. Cha, cha.

¹⁸⁵ Noma ngabe licandza liyini! Uma kulicandza lelidada, liyoletsa lidada. Uma lilenkhukhu, liyoletsa inkhukhu. Uma kuyinyoni, liyoletsa inyon.

¹⁸⁶ Uma Nkulunkulu etsembise insindziso, Yitsatse enhlitiyweni yakho. Moya loNgewe utoYifukamela ite ifike ekuPhileni. Uma Etsembisa kophiliswa, Kutsatse enhlitiyweni yakho. Yindlela leniketwe nguNkulunkulu.

¹⁸⁷ Watfumela tibonakaliso netimanga. Watsi, “Etinsukwini tekugcina, kuyofezeka, kusho Nkulunkulu. O, Ngiyotfumela uMoya loyiNgewe waMi emhlaben. Futsi Ngiyotfumela bafundisi. Netibonakaliso netimanga letinkhulu tiyokwenteka. NgeliGama laMi bayokhipha imimoya lemibi. Futsi bayokhuluma ngetilimi letinsha; baphatse tinyoka, noma banatse lokubulalako, akuyubalimata. Uma babeka tandla tabo etikwalabagulako, bayosindza.”

¹⁸⁸ NeliBhayibheli latsi, “Kulolusuku lwekugcina, kuyofika imvula yekucala neyamuva, ndzawonye.” Futsi, namuhla, etiveni tonkhe, kusuka kuleto... emphumalanga kuya enshonalanga, kusukela enyakatfo kuya eningizimu, kunye kwanjalonjalo, imvuselelo lenkhulu yekuphilisa kwaNkulunkulu, eMandla aNkulunkulu. Futsi umuntfu lophonswe phansi, umuntfu lotsite lotsetfwе waphakanyiswa... Nkulunkulu wetama kuLifaka kulamabandla lamakhulu, futsi akayitfolanga indzawo. BaLala futsi batsi bekungeke kwentiwe, ngesikhatsi kucatjangwa, lapha eminyakeni lembalwa leyendlulile.

¹⁸⁹ Kodvwa Nkulunkulu wafinyelela kulabatitsatsela phansi ngemphilo, labatfobekile, bantfukatana, wabavusa, bangakafundzi. Ngabe wakwentelani Nkulunkulu loko na? O, kube beku like emabandleni lamakhulu netintfo, bebayoba nalokutsite labatingachayisa ngako. “Emacembu etfu–etfu ahlangana ndzawonye. Sincume loku.” Kodvwa Nkulunkulu wehlela kubesilisa nebesifazane labangakwati kufundza ligama labo lucobo ngalesinye sikhatsi. Nkulunkulu utsatsa lokungelutfo, futsi Ente lokutsite ngako, futsi batinikela. Futsi Nkulunkulu utsetse bantfu balolohlobo, ubavusile eveni. Futsi, namuhla, kubhodla kwesibusiso, ngisho baze bodokotela bakufaka emaphepheni, kutsi kophilisa kwaNkulunkulu kuliciniso. Bafanele bakucondze. Kusembikwebuso babo. Haleluya!

¹⁹⁰ Siphila elusukwini lwekuBuya kweNkhosi. Busuku buyashelela. Bafundisi bayakujuluka, bakhuleka; Nkulunkulu akhombisa tibonakaliso netimanga. Kodvwa kunesiphepho lesitako. O, Yena, Uyeta. Kunesiphepho lesichubekako, nesikhatsi lesikhulu semvuselelo; sikhatsi lomhlaba longakaze usibone, sikhatsi lesinjengaleso lesendlula njengamanje. Asikaze sibekhona sikhatsi emlandywensi wemhlaba, kunoma ngumuphi umnyaka noma ngasiphi sikhatsi, lapho liVangeli

leMandla aNkulunkulu like labonakaliswa khona njengoba Linjalo khona manje; ngemsakato wemoya, ngamabonakudze, ngebafundisi labetsembekile; emasimini etitfunywa tenkholo, kuya kumaHothenthotsi, kuya kuma-Africa, futsi, ekhatsi eShayina, kungena etindzaweni letehlukene. Timvuselelo letinkhulu tekuphilisa, nemandla, nemisebenti, netibonakaliso, netimanga, tiyeta ndzawo tonkhe. Akukaze, emhlabeni wonkhe, njengako! Bangani, Nkulunkulu ukuniketile. Nkulunkulu ukukhulumile. Nkulunkulu uyakwenta.

¹⁹¹ Nkulunkulu ulapha manje ekuseni. Ukuniketele manje ekuseni. Namuhla lusuku lwakho. Lesikhatsi lesi sikhatsi sakho. Uma uvuma futsi ulungele, manje ekuseni, uma ukukholwa ngenhlitiyo yakho yonkhe! Uma utotsembisa Nkulunkulu, “Nkulunkulu, a—angeke ngisaphindze ngifunisele ngalo. Ngiyeta kuphela... Kukhona lokwentekako enhlitiywensi yami. Intfo letsite lencane yentekile lapha manje ekuseni. Ngesikhatsi sisashumayela futsi siletsa Livi, lencenyen yalo yayisho mine.” Ngesikhatsi ngibona i...

¹⁹² “Wabita letotintfo, letatingekho, ngekungatsi tatikhona.” Abrahama bekahamba, atsi, “*Sitoba ngalendlela. Kutoba ngalendlela. Sitoba naloluswane.*”

“Nitoba nalo kanjani na?” I...

¹⁹³ “Umkami sewuguge kakhulu. Dokotela utsi akunakwenteka. Yebo-ke, ngi... Sitoba nalo, ngoba Nkulunkulu ushito njalo.” Futsi ngesikhatsi ahlangana nesikhashana lesibucayi sekugcina sako, etulu lapho, wabita lendzawo ngekutsi, *Jehova-jayira*, “iNkhosi itotiniketela Yona lucobo lomhlatjelo.”

¹⁹⁴ Labanye benu uchamuka ebangeni lelidze, bangena lapha, bafa. Tincingo tenu tiyabhalwa etulu lapho ephepheni lelincane, incwadzi lencane, endlini. Lokunye kwako ngumdlavuza. Lokunye, kumphumphutsekile; lokunye, kutihhulu; lokunye, kutimungulu; lokunye, bobabe netinswane letincane; nabomake, nakanjalonjalo, nebantfwana labancane, loko kukuto tonkhe tinhlobo tetimo. Kwentekeni na? Yini leyabangela kutsi ukwente na? Yini leyenta imizwa yesidalwa lesingumuntfu kanjalo na? Wake wayenta kanjani intfo lenjalo na?

¹⁹⁵ “O, saba nabo esibhedlela. Saba nabo ndzawo tonkhe.”

¹⁹⁶ Kodvwa ubaletse leni lapha, kulesikhatsi lesi? Ngoba Intfo letsite enhlitiywensi yakho icala kuhamba. Kuyini? Nkulunkulu, enta indlela. Nkulunkulu, alungisa. Emalungiselelo aNkulunkulu. Nkulunkulu utoyiniketa indlela.

¹⁹⁷ Labanengi benu bayiva indzaba lencane ye-ophosamu. Kwakusetincwadzini, lapha kungesiko kadzeni. Uma Nkulunkulu bekacabanga ngalokwenele kulethluphekelle, inyatane i-ophosamu lengati lutfo kuphela; hhayi loko kuphela, kodvwa ngaletinye tikhatsi kwakutilwane lengitatiko.

Wena utsi, “Ungasitsatsa sikhatsi sekukhulekela silwane na?” Uma Nkulunkulu asifumela, yebo, impela. Nkulunkulu unguJehova. Usebenta nje ngendlela yaKhe luCobo, futsi siyaMkhonta nje. Sitinceku taKhe.

¹⁹⁸ Futsi manje, mnaketfu, dzadze, Nkulunkulu unikete indlela lephelele yekuphiliswa kwakho manje ekuseni.

¹⁹⁹ Benati yini kutsi ngacishe ngaphumphutseka, kanye? Ngadzingeka ngiholwe ngemikhono yami. Ngangigcoka letinkhulu, tibuko letinkhulu emehlwani ami. Futsi inhloko yami yanyakata *kanje*, futsi ngangingakhoni nekutsi ngihhule tinwele ngaphandle kwekutsi kubekhona lobamba inhloko yami. Fred Montgomery, entasi lapha eSitaladini iSixth, kini nine bantfu lenine...Labanengi benu bamati Fred Montgomery, lohhulanako entasi lapha. Kukangakhi ngibeke tibuko tami phansi; Fred ubamba inhloko yami ngesandla sinye, atama kuhhula tinwele tami ngalelesinye; sona sivevetela kanjalo. Ngangingakhoni kubona kutsi ngihambahambe. Ngangita ngehla ngidzabule etitaladini taseLouisville, ngaletintye tikhatsi ngiphumphutseke kakhulu, ngiyofanele nje ngilandzele indlela yami eceleni kwafenisi, *kanjena*. Futsi ngangima ngilindze sikhashana, kutsi emehlo ami akhanye; ngishaywe luvalo.

O, umusa lomangalisako! Namuhla, Ukhitimula kanjani kimi!

²⁰⁰ Ngiyati ngesikhatsi iMayo Brothers etulu lapho batsi, “Ngani, Mnumz. Branham, ungeke uphile.” Watsi, “Ngani, akunakwenteka kuwe kutsi utfole...kutsi uke undlule kuloko.” Watsi, “I—i... Ungeke nje.” Watsi, “Loko kutsi, loko lapho, kuphat selene nemphefumulo wakho.” Futsi watsi, “Kute umuntfu longatfola kusebenta kwalamandla lageleta emtsanjeni, lokungumphefumulo wakho, futsi udala engcondvweni yakho.” Watsi, “Akunakwenteka.” Watsi, “Sinetinkhulgwane taletotigulane letita lapha.” Watsi, “Ayikho intfo lesingabentela yona.” Watsi, “Awunatsema, mnumzane. Ngiyakutondza kukutjela loko.” O, hhe!

Ngesikhatsi ngiphuma, ngatsi, “Inkonzo yami seyiphelile.”

²⁰¹ Wase-ke Jesu uyefika nembono, watsi, “Ungakhatsateki. Nginawe. Nginawe.”

²⁰² Watsi, “Kube waphila, bewuyoba kuphela yintfo lelubatabata loluncane cishe yelikhulu nelishumi, emaphawondi lalishumi nesihlanu, cishe njengoba ninjalo manje, mhlawumbe emashumi lamabili.”

²⁰³ Futsi ngilapha, manje ekuseni, likhulu nemashumi lasikhombisa, ngitiva ngikahle. Kuyini na? Jesu Khristu iNdvodzana yaNkulunkulu lophilako, wenta kulungiselela ngaleya eKhalvari, futsi ngakwemukela. Wakwentelani na? Hhayi nganca yami, kodywa ngoba nginganitjela, manje ekuseni, futsi ungemukela intfo lefanako futsi utjеле lomunye

umuntfu ngako. Kusolo kuchubeka nje. Futsi nguleyondlela Lanayo yekulungisa indlela, kusabalalisa liVangeli laKhe. Niyakukholwa, namuhla na? Nkulunkulu uniketile.

Singakhuleka, umzuzwana nje manje, netinhloko tetfu tikhotseme.

²⁰⁴ Futsi uma dzadze, umshayi wepiyano, uma angeta lapha umzuzwana nje. Ngifuna ufake ishuni kancane:

INyanga enkhulu manje isedvute,
Jesu loneluvelo;
Ukhulumu etinhlitiywani letitfobele kutsi
titfokote,
Kute lelinye ligama ngaphandle kwaJesu.

²⁰⁵ Manje wena lolapha, longaphandle kwaKhristu, futsi awuMati njengeMsindzisi locondzene nawe, awukaze umemukele. Kukhona *intfo letsite lenye* kulokusa loku, bekukhona iNtfo letsite enhlitiywani ngasensimini yakho. Lapho yonkhe inhloko isakhote. Lokutsite, kuhambahamba enhlitiywani yakho, utsi, “Uyati, Intfo letsite iyangitjela nje, kuncono ngi–ngitilungisele. LoloSuku lolukhulu luyeta masinyane impela, futsi ngi–ngifanele ngime. Futsi manje, Nkhosi, hhayi kuMnaketfu Branham, kodvwa kuWe, ngitophakamisa sandla sami, futsi ngitsi, ‘Nge... Uma Utongisita, kusukela kulolusuku ngi–ngito–ngi–ngitoKukhonta, kusukela kulolusuku.’”

²⁰⁶ Ngabe ukhona umuntfu longenta loko na? Phakamisa sandla sakho, utsi, “Ngemusa waNkulunkulu, kusukela kulolusuku, ngitokhonta Nkulunkulu.” Lomunye kulesakhiwo, angati. Nkulunkulu akubusise. Nkulunkulu akubusise. Kunjalo. Loko kuhle. “Kusukela namuhla kuchubeke, ngifuna imphilo yami isebentele iNkhosi.”

²⁰⁷ “NgingumKhristu, sengivele ngimemukele Khristu, kodvwa ngiva kwangatsi ngifuna kuba ngumKhristu loncono manje. Ngifuna kuphakamisa sandla sami futsi ngitsi, ‘Nkulunkulu, ngaloku ngifuna...’” Nkulunkulu akubusise. O, loko kuyamangalisa. Loko kuyamangalisa. Nkulunkulu abe nani.

²⁰⁸ Manje bangakhi, netinhloko tenu tikhotseme, logulako na? Tsanini, “Nkulunkulu Lotsandzekako, manje, ngitoKwemukela khona manje. Ngi–ngine... Nginemsimila. Nginemdlavuza. Nginemntfwana logulako lapha. Ngiene...” Noma ngabe kuyini, akunandzaba kutsi yini lengalungi. “Nginalokutsite lokungalungi. Niyakwati. Futsi khona manje ngemukela leLivi, Livi laKho, njengoba nje bengita ngekukholwa kutsi ngisindziswe. Ngiyakholwa, enhlitiywani yami. Ngiyakholwa impela, Nkulunkulu, loko, khona manje Livi laKho lisimiswe enhlitiywani yami futsi ngitosindza. Angati, angikakucabangi esikhashaneni lesendlulile, kodvwa ngi–ngivele–ngivele nje ngikukholwe khona manje. Ngitosindza khona manje.

Ngitophakamisa sandla sami, kuKwatisa kutsi ngiyakukholwa ngenhlitiyo yami yonkhe. Ngitosindza." Ungasiphakamisa sandla sakho, wena logulako na? O, hhe!

²⁰⁹ Bukani letandla nje, Babe loseZulwini Lotsandzekako! Niyasibona sandla sabo.

²¹⁰ Kufana nje nekuphendvuka. Manje, uma baguculwa, Nkhosi, futsi baphakamise tandla tabo kutsi basindziswe, sitobaletsa lapha echibini futsi sibabhabhatise; leyo yintfo yetfu lelandzelako. Petro watsi, "Phendvukani, futsi nibhabhatiswe, ngulowo nalowo wenu, eGameni laJesu Khristu kuko kutsetselelwa kwetono tenu; nitakwemukeliswa siphwi saMoya loNgcwele." Manje, nguloko lebesingakwenta, Nkhosi.

²¹¹ Manje bonkhe laba baphakamise tandla tabo, futsi batsi, bakholwa kutsi Uhlanyele enhlityweni yabo. Babona kutsi Ulungiselele kuphiliswa kwabo, vele. Futsi sebalungele kulemukela, futsi bayalemukela enhlityweni yabo. Futsi, Babe, yinye intfo lesele tsine kutsi siyente, loko kutsi, sibenyusele futsi sibakhulekele umkhuleko wekukholwa. Beka tandla etikwabo, Watsi, "Bayosindza." Akukho lokungakuvimba kuko.

²¹² Futsi, Babe, siyakholwa, kutsi ngemusa waNkulunkulu, kutsi Utositfumelela umhlangano wekuphilisa manje lotovele nje akhatimule. Sebavele bawemukele. Sitobonga. SitoKunika ludvumo. Futsi sitoniketa yonkhe inkhatimulo kuWe. Sitotjela labanye. Sitoya emakhaya etfu, sifakaza. Labanye lapha bayafa, banemdlavuza; labanye lapha labangakhoni kubona, kutsi batungelete; labanye abakhoni kuhamba. O, bakulo lonkhe luhlobo lwetimo, Nkhosi. Kodvwa, Wena ulapha kwenta yonkhe indlela legwegwile icondze. Wena ulapha kute ukhiphe yonkhe inhlekelele futsi ufake inkhatimulo.

²¹³ Nkhosi, bayatitfulula bona lucobo, futsi ngititfulula mine lucobo. Sigcwaliise, Nkhosi, ngaMoya loNgcwele. Sigcwaliise ngesibusiso saKho, kutsi lolu kutoba lusuku lolusha. Kwangatsi Ungangena esithandweni semlilo kulesikhatsi lesi nje, phephetsa onkhe emagagasi esuke kubantfwana baKho, futsi ubakhulule ngekuphepha. Siphe kona, Nkhosi, ngemalungiselelo aKho aJesu Khristu eKhalvari. Sikucela eGameni laKhe. Amen.

INyanga enkhulu manje isedvute,
Jesu loneluelo;
Ukhulumma inhliyo ledzangele kutsi yename,
O, vanini liPhimbo laJesu.

²¹⁴ Bangani, basadlala, nalomculo uyaphuma.

²¹⁵ Manje, lona ngumzuzu lomkhulu wemphilo yami. Lesi sikhatsi lesikhulu sami. Ngitivela nje ngicinisekile, futsi ngicinisekile enhlityweni yami, kutsi Nkulunkulu utophilisa bantfu manje ekuseni, njengoba ngime khona lapha ngembili. Ngiyakukholwa nje. Futsi loku kungenta ngive...Impela,

ngiyakutjela, ngicabanga kutsi sekuvele kwentiwe. Intfo kuphela, ngiyahamba nje ngiyobeka tandla etikwabo, ngoba Watsi sentenjalo; njengembhabhatiso wemanti nje noma yini lenye.

²¹⁶ Manje naku lokunginiketa litsema. Ngita naloluhlobo lolu lwekukwetsema. Niyabona na? Ngiyati kutsi Wangitfumela kutsi ngente loku. Ngi—ngi...NeliBhayibheli lami lisetikwenhilityo yami, futsi uma ngingeke ngiphile kutsi ngiye emnyango lapho, Ngiyati kutsi Wangitfumela kukhulekela bantfu baKhe. Ngiyakwati loko. Ngingeke sengibaphilise bantfu baKhe, ngoba Sewuvele ukwentile loko; loko kuniketiwe. Kodvwa Wangitfumela kukhulekela bantfu baKhe futsi ngibakhutsate kutsi bakholve loko.

²¹⁷ Manje ake nginikhombise kutsi kucinisile noma cha. Niyabona na? Ake kucala sitsatse indlela yaNkulunkulu yako. Ake sibuke emhlabeni wonkhe, kutsi mangakhi emashumi etinkhulungwane lakhubatekile, timphumphutse, tishosha, labachutako, logcwele umdlavuza, nako konkhe, losekuphilisiwe. Manje, loko kwekucala. Emvakwekuba Livi laKhe latsi Uyokwenta, khona-ke nangu Efika futsi akufakazele.

²¹⁸ Intfo lelandzelako, kunebantfu labahleti khona lapha, lophiliswe, kamuva. Niyabona na? Loko ngulokulandzelako.

²¹⁹ Futsi-ke asibuke futsi, ngaso impela sikhatsi, seminyaka leyendlula. Kunalabambalwa labasele lapha etabernakeli, mhlawumbe, manje ekuseni. Labanye babo abeti lapho sitoba nenkonzo yekuphilisa, ngenca yeticuku tiphikelela ekhatsi kanje. Kodvwa, bukani. Khona lapha, khona lapha eJeffersonville, kini nine bangephandle, ngulapho la loko kuKhanya khona, leyoNkhanyeti yeKusa, yabonakala kucala. Khona lapha kwenteka, langembili, tikhatsi letinengi, khona lapha.

²²⁰ Kusobala, bantfu bacabanga kutsi Kwakubuhlanya, kodywa live lesayensi litsetse sitfombe saKo futsi itsi, "Liciniso." Khona-ke, nginitjele liciniso. Ngabe kunjalo na? Futsi manje sekuphelile konkhe...

²²¹ Manje bakutsatsa eJalimane, lapha madvute nje. Nonkhe nitibonile titfombe taloko. Ikhamera lenkhulu yaseJalimane yayifuna kubona kutsi beba ngaYitsatsa yini, ngako bayeta, basibekela lesitfombe. Uma Wehla, futsi ucala kugicita lentfo lenkhulu lapha futsi utsatse lesositfombe, futsi lapho waKukhombisa kwehla kuvela eZulwini.

²²² Ngesikhatsi kufika kuphefumulewa; kwakhombisa kutsi umunfu bekeme lapho, wamtjela ngaloko lebekangiko, futsi lokwakwentekile, kutsi bekahola kanjani sicuku semakhomanisi, kanjalonjalo. Watsi, "Awusilo liJalimane, empeleni. Ungo mTaliyane." Wamtjela loko.

²²³ Futsi bona, leloJalimane lapho, litsatsa sitfombe salo kanjena, futsi lichume, Futsi wagucula ikhamera yakhe letsatsa sitfombe kanyenti, aYichafata kanjalo. Futsi naKu kuphuma; aKukhombisa kwehla, akhombisa ngekhatsi Kwakusekugcobeni, futsi aLikhombisa lihamba, liphuma kulesakhiwo. Kunjalo. Bufakazi, kuliciniso. Niyabona na? Kwani na? Kwenu, kwenu.

²²⁴ Futsi, cabangani, entasi eveni lesilwane, kutsi Nkulunkulu utokwenta kanjani, nebulula. Ungake ucabange nje lomunye... Incumbi yebantu iyakuhleka loko. EmaKhristu akakwenti. Kodvwa niyati yini kutsi Unato tonkhe tinsiba letisetimphikwensi tabo na? Wati konkhe ngako. Watsi, "Akukho namunye wabo lobekangawela emhlabeni ngaphandle kwekutsi Babe ati ngako." Uyati kutsi tonkhe tilwane letincane tikuphi. Wati yonkhe incenye lencane ngawe. Wati konkhe ngako. Futsi ngekwenta loko, niyabona, futsi nekucinisekisa...

²²⁵ Nelikepisi lako konkhe, kuta ngalolobunye busuku, ngesikhatsi Angikhombisa, ngime lapho eceleni kwalelichibi. Angiyuze ngikukhohlwe.

²²⁶ Nitokubona emaphepheni. Ngitobatfolela lapha. Nitokubona ngaphandle *ePhimbweni lekuPhilisa*, lamanye emaphephabhuku.

²²⁷ Kutsi ngakubona kanjani loko, ngoba loko kwake kwaba ngumdvonso, futsi Watsi, "Kungaleso sikhatsi lowati ngaso tifo tebantu, ngesikhatsi ba...ngetandla tabo."

²²⁸ Wase-ke umdvonso wakhe wesibili. Watsi, "Ukudvonselani kakhulu na? Kungani utame kuchaza konkhe kwaloko na?" Watsi, "Uyabona, ubambe inhlanti nje, kodvwa beyiyincane."

²²⁹ Watsi, "Manje phonsa lomsundvu lakho ekhatsi, kwalesikhatsi lesi." Watsi, "Beka lihhuka lakho." Ngikubonile loko kuKhanya kuhamba, kuphuma kanjalo, watsi, "Ngitohlangana nawe." O, hhe! Ngiyakwati. Ngiyakwati nje. Uma ngi...Lokungetulu kwaloko lengikwatiko kutsi nji... Ngi—ngiyati kutsi ngiyaphila, ngime kulelipulpi manje ekuseni, ngiyakwati.

²³⁰ Susa lukholo lwakho *lapha* manje, bese ulubeka phansi *lapha*, utsi, "Nkulunkulu Lotsandzekako, ngiyeta, ngikwati, futsi. Ngita ngikwati. Ngita kuWe, futsi ngitophiliswa manje ekuseni." Njengendvodza, nginganikhulekela.

Wena utsi, "Ngabe ukhona umkhuleko na? Ngabe—ngabe lusito lwemkhuleko na?"

²³¹ Impela, nguloko lesifanele sikhente. Umkhuleko... Umkhuleko untjintja tintfo, "Umkhuleko wekukholwa usindzisa labagulako." Ngabe kunjalo na? Labanye uhleli eBandleni kukhulekela labagulako. Labanye bahleti eBandleni kutsi

baprofethe. Labanye bahleti eBandleni kutsi bashumayele, labanye kutsi bafundzise. Ngabe kunjalo na? Impela. Sibekelwe letintfo leti.

²³² Ngako-ke, bengati kutsi ngiletfwe eveni kutsi ngikhulekele labagulako. Angikhonanga kukhulekela bonkhe bantfwana baNkulunkulu labagulako, ngesikhatsi ngicala ngephandle emuva lapho, ngesikhatsi yonkhe intfo seyifile, futsi eminyakeni lembalwa leyendlulile. Kodvwa, Nkulunkulu wavusa enkonzweni, Oral Roberts na, o, emakhulu alalabanye, ndzawo tonkhe. Bangena e-Africa, lapho bebanemvuselelo lenkhulu. Bangena kulamanye emave, lapho bebanemvuselelo lenkhulu. Emadvodza aNkulunkulu ndzawo tonkhe, asebenta ndzawonye, hhayi kuphambana nalomunye. Sonkhe kanyekanye, ngamunye lomkhulu, kwentelwe inkhatimulo yaNkulunkulu, atama kwenta bantfwana baKhe basindze, nekubakhombisa iNkhatimulo yeNkhosi Jesu Khristu. NgekweLivi laKhe, Ukwetsembisile.

²³³ Bebamise kutama kusihlasela futsi baphikisane natsi, bashumayeli labangakholelwa ekuphiliseni kwaNkulunkulu. Awuseva kakhulu ngako. Uyeva na? Kunjalo. Kwabadalula nje futsi kwakhombisa kutsi bati kangakanani ngemBhalo. Wase-ke Nkulunkulu uyafika nje wase ucinisa umsebenti, ngetibonakaliso tilandzela, naloko kuyakucatulula nje.

²³⁴ Manje, bangakhi lolapha namuhla, bantfu bangephandle kwalelidolobha, longephandle kwesifundza ndzawanatsite, lofuna kukhulekelwa, ungasiphakamisa sandla sakho. Asibavumele bete kucala, bafo labavele ngephandle kwesifundza, bese-ke, bahlobo labangephandle kwalelidolobha; bese kutsi-ke ba—bahlobo, ngalokulandzelako, labavela lapha ekhaya.

²³⁵ Manje, labafo bangephandle kwalesifundza wotani kucala, e-altari. Asinayo indzawo lenengi lapha. Kodvwa ngikholwa kutsi uma nje bewungatsi, njengalomfowefu lapha, kutsi kushaya lilayini, kanjalo ngco nje. Labangephandle kwesifundza, futsi-ke sitozama kutfolo labo. Sitobese-ke sesi, lokulandzelako, sito—sitokhipha e...ngephandle kwelidolobha, bese-ke lokulandzelako bafo edolobheni. Shayani lilayini nje nentele umkhuleko. Manje...

Manje, *Kholwa Kuphela*.

²³⁶ Manje banengi labemile. Labanye benu, kusobala, bayeta, mhlawumbe, mhlawumbe batobona kutsi iNkhosi yetfu itokwentani. Bukisisani futsi nibone kutsi Wentani. Asesabi. Siyati kutsi Utokwentani. Utokwenta leloLivi libe nguleliphatsekako ngangoba Lingakhona. Yebo, mnuzane. Nitobona kutsi Utokwentani. Utophilisa labagulako nalabahlaselekile. Utobenta basindze, ngeMandla aKhe nangenkhimatimulo yaKhe.

²³⁷ Manje ngitoncela kutsi nitongentela lokutsite. Intfo yekucala, nginifuna nonkhe ngesiciniseko lesigcwele, kukholwa, lokukholwa kutsi Nkulunkulu utophilisa labantfu laba labagulako kulelilayini.

²³⁸ Manje, bangephandle kwesifundza. Abasibo base-Indiana. Babuya kulesinye simo. Siyajabula kuba nabo lapha, manje ekuseni, kukholwa kwabo kuNkulunkulu.

²³⁹ Manje, bangakhi kini lokholwako kutsi Nkulunkulu utobenta... Nine bantfu esimeni manje, ukholwe kutsi Nkulunkulu utobenta basindze, phakamisani tandla tenu. Utsi, "Ngiyakukholwa, kukholwe ngayo yonkhe inhlitiyo yetfu."

Manje silapha kutsi sinisite, bangani labatsandzekako.

²⁴⁰ [Lomunye umfo utsi, "Mnaketfu Branham...?... chaza kutsi abakhoni kumletsa langembili."—Umhl.] Ngitomkhulekela. Ngitokwehlela kuye, ke.

²⁴¹ Kulungile. Ngifuna nine bantfu labatsandzekako lapha, labavela e—ngephandle kwesifundza, kutsi nikholwe loku manje. Ngifuna nikholwe ngayo yonkhe inhlitiyo yenu, kutsi ngi... Kutsi Jesu Khristu ungelokulungiswe nguNkulunkulu kophiliswa kwenu, kutsi Nkulunkulu waletsa Jesu eveni kutsi niphiliswe.

²⁴² Manje, khumbulani, akukho lutfo ngekhatsi kwami, lebengingakwenta kuniphilisa. Kodvwa intfo kuphela lengiyentako, ngilandzela umyalo Nkulunkulu langinika wona, kutsi ngikwente. Futsi wati... Niyivile imihlangano, yekutsi nje yonkhe intfo yenteke kanjani. Kusobala, Utokwenta loko. Utonentela nine manje ekuseni, futsi ningabuyela esimeni senu lucobo lesitsandzekako, nitfokota nje futsi nitjela bantfu kutsi tintfo tini letimnandzi Nkulunkulu latentile.

²⁴³ Manje, tishosha tihamba, timphumphutse tibona, tihhulu tiyeva, timungulu tikhulum, letotintfo tiseMandleni aNkulunkulu nje kukwenta. Manje ngifuna nonkhe nikholwe ngayo yonkhe inhlitiyo yenu. Manje, intfo kuphela lengitoyenta, ngitokhuleka futsi ngibeke tandla etikwenu, ngikhuleka umkhuleko wekukholwa. Futsi ufanele ukwemukele kuletotisekelo, teNgati lecitsiwe yaJesu Khristu, naNkulunkulu utonentela konkhe lolokunye kwako. Uyakukholwa manje, ngayo yonkhe inhlitiyo yakho na? Sewulungele kulemukela. Kukholwe phansi enhlitiywani yakho. Livi, kucala, lisenhltiywani yakho, kukwenta. Kulungile.

²⁴⁴ Manje ngifuna wonkhe umuntfu athule sibili, noma nje atsi kuhamisha, noma ngabe yini lenifuna kuyenta, sisakhuleka ngekwelibandla. Khona-ke, ngamunye ngamunye, neMnaketfu Neville utobagcoba ngemafutsa, njengoba beta kimi kutsi ngikhulekelwe. Kulungile.

²⁴⁵ Manje asikhotsamise tinhloko tetfu, ndzawo tonkhe. Futsi njalo emizuzwini lembalwa sitonivumela niphakamise inhloko yenu.

²⁴⁶ Manje, Babe loseZulwini, siyaKubonga, manje ekuseni, ngaJesu. Futsi naku kume, kulelilayini lapha manje ekuseni, tihlupheki letehlukene. Wena uyati kutsi tiyini; mine angati. Kodvwa, ngekwati kwami konkhe, Nkhosi, ngitamile kubatjela kutsi Wena sewuvele unikete kophiliswa kwabo. Labanye babo bangahle babe tinsuku letimbalwa nje kusuka ekufeni. Kodvwa, Babe, umkhuleko untjintja tintfo. Hezekhiya wakhuleka, emvakwa (Nkulunkulu) Watfumela umprofethi waKho enhla lapho futsi wamtjela kutsi utokufa; kodvwa wakhuleka, futsi Wasindzisa imphilo yakhe.

²⁴⁷ Manje, Nkhosi, ngikhuleka ngayo yonkhe inhlitiyo yami, ngalabantfu laba, kutsi Utoyisindzisa imphilo yabo, ngenhlosso yinye, Nkhosi, kwentela inkhatimulo yaKho, kutsi batotjela labanye, futsi labanye bangahle batjela labanye. Lusuku lweNkhosi selusedvute, futsi sifanele sisheshise. Futsi siyati kutsi leliVangeli lifanele lishunyayelwe ndzawo tonkhe.

²⁴⁸ Futsi sisite, namuhla, manje. Futsi gcoba tinceku taKho lapha. Gcoba lesakhiwo lesi kabusha nangekujuла manje. Kwangatsi leyoNgelosi lenkhulu yaNkulunkulu ingangena manje ngemandla lamakhulu. Yehlela ngasemigceni, lengabonakali, noko yati kutsi Ulapha. Futsi ngikhulekela kutsi Utophilisa wonkhe umuntfu, ngeliGama laJesu Khristu.

²⁴⁹ Manje tinhloko tenu tikkhotseme, wonkhe umuntfu, kancane manje, *Kholwa Kuphela*, kancane impela, sisa... UMnaketfu Neville ugcoba labagulako, futsi baletsa kimi.

Kuphela be- . . .

²⁵⁰ [Lomunye ukhuluma neMnaketfu Branham—Umhl.] . . . ? . . . Wonkhe umuntfu akahloniphe ngekutitfoba manje. Nayi indvoda lengingitako, iyangingita. Futsi ifuna kushumayela Livi laNkulunkulu. Ufuna kukhululwa kute ashumayele Livi laNkulunkulu. Ngifuna nihloniphe ngekutitfoba, futsi nikholwe kutsi Nkulunkulu utosusa lomoya longingitako kulomuntfu, kwentela inkhatimulo yaNkulunkulu.

²⁵¹ Manje, Babe wetfu loseZulwini, eme lapha kuleli lelincane, litabernakeli lelidzala lelakhwiе budlabha, noko, ati kutsi iNkhatimulo yaNkulunkulu yeShekhina Lobekahlala ngaphansi kwetimpiko letikhaceke kuletinye temaKherubhi ume khona lapha manje. Futsi njengoba imiphefumulo yetfu ingayekela tintfo letingcolile telive letingenе eBukhoneni baKhe, futsi singativa futsi sati kutsi Ume lapha, sita ngesibindzi, sati kutsi sito...sati loku, kutsi sitokufa kube bekungesiko ngenca yenkhatimulo yaKhristu manje, kodvwa iNgati yaKhe lecitsekile yenta indlela. Besingeta, ke, ngesibindzi esiHlalweni

saKho sebukhosi, ngaphansi kwetimpiko letikhacekene tesiphambano.

²⁵² Nkulunkulu, lendvodza lapha, lebukeka ikahle, lenkhulu, indvodza lebukeka icatsa ime lapha, ifuna kushumayela liVangeli. Intfo lenhle kangaka pho! Kepha noko, Sathane umnike lelingingitako, liphimbo lelingingitako. Kodvwa ufunu kusuke, namuhla, kute ashumayele liVangeli. O Nkulunkulu loPhakadze, siyati kutsi Wena usebentise, etikhatsini letendlulile, labangingitako nebangingiti. Kodvwa lendvodza ifuna kukhululeka, ngoba itivela ihlazeka nayo. Ngako, namuhla, ngalokufanele kubongwa kweNkhosi Jesu, ngeluhlelo loluniketwe nguNkulunkulu nendlela, ngebufakazi baMoya loNgcwele neBukhona baNkulunkulu, futsi njengenceku yaKhe, ngibeka tandla etikwakhe futsi ngiyawulahla lomoya. eGameni laJesu Khristu, kwangatsi kungasuka kumnaketfu. Futsi kwangatsi lentfo lembi ingasuka, lengavimbela liVangeli. Futsi kwangatsi angaphuma futsi akhone kushumayela liVangeli, ngekushaya kweliciniso, liphimbo lelikhalako, ngenkhatimulo yaNkulunkulu.

²⁵³ Nkhosi, ngibeka leti, tandla tami, etikwakhe, ngoba kungumyalu waKho. Kungulokufunwa nguWe kutse sikuwente. NgaJesu Khristu, kutsi Siphe kona, kwenkhatimulo yaNkulunkulu.

²⁵⁴ Ngifuna yonkhe inhloko ikhotseme, futsi kute ngisho namunye lotophakamisa tinhloko tenu nite ningive ngisho njalo, ngiyacela.

²⁵⁵ Moya loyiNgewe, philisa lomnaketfu lapha, eGameni laJesu Khristu, kwentela iNkhatimulo yaNkulunkulu neliVangeli.

Futsi ngiyakulahla, wena lomubi. Hamba, eGameni laJesu.

²⁵⁶ Manje, mnaketfu, ngikholwa kutsi utoshumayela liVangeli. Ngiyakhola. Futsi ngikholwa kutsi utokwenta ngaphandle kwekungingita, ngaphandle kwekungingita. Ngifuna nitsi, "Ayibongwe iNkhosi." [Lomnaketfu utsi, "Ayibongwe iNkhosi."—Umhl.] "Haleluya." ["Haleluya."] Nako laph'ukhona. "Ngiyayitsandza iNkhosi." ["Ngiyayitsandza iNkhosi."] "NgiMnika ludvumo." ["NgiMnika ludvumo."]

²⁵⁷ Niyanbona, lokwehlukile manje. [Lomnaketfu ukhuluma neMnaketfu Branham—Umhl.] Manje ngifuna... Kungalesosizatfu ngifuna kukhuluma nani sikhashana. Utiva uncono manje, uva umehluko. Impela, ngoba iNkhosi i—iniphile loku, lentfo seyihamble, yebo kunjalo. ["Amen."] Ngabe ku...

²⁵⁸ Shano loku, "Ngiyamtsandza Jesu." [Lomnaketfu utsi, "Ngiyamtsandza Jesu."—Umhl.] "Akadvunyiswe Nkulunkulu." ["Akadvunyiswe Nkulunkulu."] Angikholwa kutsi kuyoke kubuye futsi.

Manje nje gcinani tinhloko tenu tikhotseme. Lalelani lendvodza.

²⁵⁹ “Ngiyamtsandza Jesu.” [Lomnaketfu utsi, “Ngiyamtsandza Jesu.”—Umhl.] “Akadvunyiswe Nkulunkulu.” [“Akadvunyiswe Nkulunkulu.”] “Ngitawushumayela liVangeli.” [“Ngitawushumayela liVangeli.”]

²⁶⁰ Akukho kungingita nhlobo. Uphilisiwe. Nkulunkulu akubusise, mnaketfu. Hamba ngendlela yakho manje, utfokota.

²⁶¹ Manje asiphakamise tinhloko tetfu futsi sinike Nkulunkulu ludvumo, utsi, “NgiyaKubonga, Nkhosi Jesu.” [Libandla litsi, “NgiyaKubonga, Nkhosi Jesu.”—Umhl.] Nako kuhamba umuntfu angene enkonzweni, kutoshumayela liVangeli, lowake waba ngulongitingako.

²⁶² Watsini Mosi? “Ngingumuntfu lonekukhuluma ngekunamula. Nginetindzebe letingingitako,” kanjalonjalo.

Nkulunkulu watsi, “Ngubani lowente tindzebe temuntfu na?”

²⁶³ Sewuyakholwa manje? Bani nekukholwa manje.

²⁶⁴ Ningakhotsamisa tinhloko tenu futsi, kulomunye umuntfu. Wonkhe umuntfu emkhulekweni manje. Hloniphani.

²⁶⁵ Manje, inkhatsato yakho, dzadze? [Lodzadze utsi, “Nginenkhatsato ngeluhlangotsi lwami; kwetfuka.”—Umhl.] Nisukaphi, dzadze? [“Hamilton.”] Hamilton, e-Ohio. Uyakholwa kutsi uya ekhaya usindzile na? [“Yebo, ngiyakholwa.”]

²⁶⁶ Manje, lodzadze unenkhatsato etinhlangotsini takhe, futsi uvela eHamilton, e-Ohio. Futsi unekwetfuka lokukhulu. Kungahle kungabikho lutfo lolwentekile lobewungalubona, kodvwa Nkulunkulu utokwenta ngalokufanako nje. Tinhlungu titosuka kuye, ngiyakholwa; uma utsandza, kanye nami.

²⁶⁷ Manje, Babe loseZulwini lotsandzekako, ngicondza kutsi lapha, ndzawanatsite kukhona, kume iNkhosi Jesu. Nadzadzewetfu ufiike khashane entasi lapha kutsi akhulekelwe. Unenkhatsato eluhlangotsini lwakhe, unekwetfuka. Kodvwa, Wena, Nkhosi, Lowavusa Jesu, futsi wenta emalungiselelo . . .

²⁶⁸ Futsi emuva, eminyakeni leyendlula, njengemfana lomdzadlana, eme etulu ngaleywa ngaphansi kwesihlahla, Watsi, “Ungalokotsi ubheme, noma unatse, noma ungtcolise umtimba wakho. Kutawuba nemsebenti wakho lekuyofuneka uwente uma sewukhulile.” Naku ke. Nikucinise ngeNgelosi yekuKhanya. Watfumela tilwane kutsi tikhulekelwe. Ushanyele umhlaba wonkhe ngemvuselelo, njengoba Wetsembisa entasi lapha emfuleni, kutsi Uyokwenta.

²⁶⁹ Futsi lapha lona wesifazane umile, namuhla, kutsi akhululwe. Futsi, Babe, ngeNgati leligugu yaJesu, ngekushunyayelwa kweLivi, Ngibeka tandla etikwadzadze

futsi ngimkhulule ngekweLivi laNkulunkulu nekukholwa kwakhe. Ngiyayilahla lentfo lemkhatsatako, lelitfunti lelidzala lebumnyama lelenta abe nekwetfuka. Ngalilahla kuye, eGameni leNkhosi Jesu, ngitsatsa kuticalela.

²⁷⁰ Sathane, ungeke usachubeka nekumbamba. Ufika usuka khashane. Ubuyela emuva ngaphandle kwakho. Sewuhambile, ngaJesu Khristu iNdvodzana yaNkulunkulu.

²⁷¹ “Umkhuleko wekukholwa utomsindzisa logulako.” Washo njalo, Nkulunkulu, futsi utisindza. Silahla sitsa manje; sincusa iNgati yeNkhosi lelungile Jesu, emkhatsini wakhe nesitsa, eGameni laJesu.

²⁷² Manje, bekungeke kube lutfo ngaphandle. Kodvwa u—uyeva kutsi upholisiwe. Awuva, dzadze na? [Lodzadze utsi, “Yebo, ngiyakhola.”—Umhl.] Tinhlungu atikho eluhlangotsini lwakho. Setihambile. Uva ukahle futsi upholile. Manje khona lapha nje.

²⁷³ Nangu lodzadze. Ungaphakamisa inhloko yakho. Uvela e-Ohio, naleyonkhatsato eluhlangotsini lwakhe. Utsi, “Tonkhe tinhlungu setihambile.” Imizwa yakhe seyithulile. Ngakufanako nje njengendvodza... Ngabe kunjalo, dzadze na? [Lodzadze utsi, “Kunjalo.”—Umhl.] Manje uya ekhaya kuyosindza. Jesu, iNdvodzana yaNkulunkulu, Lelapha manje ekuseni, ikusindzisile. Bani yinceku lelichawe yaKhe. Nkulunkulu akubusise.

²⁷⁴ Manje ase sitsi, “Ayibongwe iNkhosi.” [Libandla litsi, “Ayibongwe iNkhosi.”—Umhl.] Kube-ke loko bekunguwe logula kanjalo ke? Kulungile.

²⁷⁵ Manje singakhotsamisa tinhloko tetfu futsi, nje e... sentele livi lemkhuleko. Kulungile.

²⁷⁶ Manje si...?... Manje, ya, siyini sicelo sakho na? O...?... O, ngiyakubona kudzikita. O, hhe!...?...

Manje, wonkhe umuntfu akahloniphe sibili, uma utsandza.

²⁷⁷ Manje, Babe wetfu loseZulwini, lodzadze lomncane uyeta, longenalusito, kubodokotela. Bente konkhe labakwatiko kutsi kwentiwa kanjani. Buso bakhe budzikita, imizwa, intfo letsite yahamba kabi. Bodokotela, betama kutfola, kodvwa abatfoli kutsi kungani lomuzwa ungasebenti kahle. Futsi, kuloko, uyagula yonkhe indzawo. Liciniso, Nkhosi, akusiyo yini leyo indlela yelive namuhla! Kodvwa, ati kutsi, ume lapha, angenalusito, eBukhoneni baKho. Ngako-ke, njengenceku yaKho, ngimletska kuWe, ngako konkhe kukholwa lengikwatiko kutsi kwentiwa kanjani. Futsi ngekwati kutsi nguSathane lowephule lowomuzwa, kukhona intfo lengabonakali bodokotela labangeke bayitfole, kubangela lesosibindzi sekudzikita liso lakhe nebuso. Kodvwa Wena ungakwenta kusuke, Nkhosi, ngoba UnguJehova Nkulunkulu. Nguwe Lolowawuniketa umhlatjelo eKhalvari, futsi siyawemukela manje.

²⁷⁸ Hamba, wena moya, wena lodzikitisa buso bakhe, wena lohluphe umtimba wakhe. Sita eGameni laJesu, sisandza kuvela eKhalvari, sisuka eVini, futsi siyakulahla. Sitisho kutsi ungeke usahlala lessinye sikhatsi. Lowesifazane utame nabodokotela, futsi bente konkhe labakwatiko kutsi kwentiwa kanjani, kodvwa ufihlile kubodokotela. Kodvwa ungeke wabhaca kuNkulunkulu. Uyati kutsi ungubani. Ngako, njengenceku yaKhe nalomelele Yena, ngisho kuwe kutsi ushiye dzadzewetfu. Phuma kuye. Livi laNkulunkulu latsi, "Uma babeka tandla etikwalabagulako, batosindza," ngako wehluliwe manje ekubuyisaneni kwaseKhalvari. Suka kulona wesifazane, eGameni laJesu Khristu. Ngiyamkhulula kuwe, ngemyalo waJesu Khristu, kutsi sifanele sibeke tandla etikwalabagulako futsi sikhipe imimoya lemibi. Futsi umubi, futsi ufanele umshiye. Futsi uya ekhaya futsi asindze, ngeliGama laJesu Khristu.

Manje tinhloko tenu tikhotseme sikhashanyana nje.

²⁷⁹ Manje, Nkkt. Kinzer, ngikhholwa kutsi ligama lakho bekunguye. Bekungeke kubekhona lutfo impela, kukholwa kwakho kuphela nje, kumisa kudlukuta, njengoba sesikhulekile, phansi eceleni. Kodvwa ngiyakholwa, ngayo yonkhe inhlitiyo yami, kutsi ukahle, futsi usindzile. Kwaku ngaku *loluhlangotsi* ekhatsi lapha, ngekuhambisana ngco ngekhatsi kwebuso bakho. Manje ungeta lapha. Uvelaphi manje? [Lodzadze utsi, "Boston, eKentucky."—Umhl.] Boston, eKentucky.

Ungayiphakamisa inhloko yakho.

²⁸⁰ Lodzadze, ngaku *loluhlangotsi* lwebuso bakhe, bekanentfo letsite levela emphinjeni wakhe entasi lapha ledzikitako, kugcuma kuya phansi nasetulu, umtsambo. Yini leyo na? Kunjengoba nje liBhayibheli latsi, "Umoya wesihhulu waphuma kumuntfu." Dokotela akakhonanga kukutfolia ngoba kwakuku—kuhlindvwa kwemtsambo. Umuzwa usekhona lapho, kodvwa kukhona lokutsite kuloyomuzwa, kuwenta ugcume futsi uchubeke. Bodokotela abakhonanga kukutfolia loko, kusobala, ngoba...[Lodzadze utsi, "Ngiyile kulabalishumi nakutsatfu."—Umhl.] Sekube bodokotela labalishumi nakutsatfu labehlukene. Futsi manje Jesu Khristu sewukumisile, futsi nango ke embikwenu. Futsi utosindza. Utophila manje.

²⁸¹ Nkulunkulu akubusise, Dzadze Kinzer. [Lodzadze ukhuluma neMnaketfu Branham—Umhl.] Nkulunkulu akubusise.

²⁸² Luku kwenteka kutsi kube lusuku lwakhe lwekutalwa, futsi washo intfo lejabulisa kunato tonkhe lake aba nato. Mbukeni lapho ehla. Akumangalisi loko na? Ake sitsi, "Akabongwe Nkulunkulu." "Akabongwe Nkulunkulu!"

²⁸³ Manje, siyayitsandza iNkhosi yetfu letsandzekako Jesu ngayo yonkhe inhlitiyo yetfu. Lapha etabernakeli,

sifundzile kuMtsandza, futsi siMetsembe ngayo yonkhe intfo lesiyidzingako.

²⁸⁴ Manje, ngiyabonga ngekugcina inhloko yakho ikhotseme. Futsi manje batoletsa sigulane lesilandzelako, lapho usakhotsamisa inhloko yakho futsi ube semkhulekweni. Yimikhuleko yakho, futsi.

²⁸⁵ Wena u...[Lodzadze utsi, "Nkkt. Brown wase-Lima, e-Ohio."—Umhl.] Uh-huh. Futsi ini...["....?...."] Impela. Futsi yini inkhatsato yakho na? ["....?...."] Uh-huh. Ngabe kukutsi, wena u—wena usihhulu noma lokutsite, kuyakho?...?...?...?...? Uh-huh. ["....?...."] Yebo, memu. ["....?...."] Intfo lenjengematfumba noma lokutsite na? Kulungile. Futsi uwase-Ohio?

²⁸⁶ Lodzadze uvela le e-Ohio. Inkhatsato yakhe isetindlebeni takhe. Ba...Tiyachuma futsi tophe, futsi kumbangela inkhatsato lenengi. Futsi sikholwa kutsi Jesu angakwehlula loku, noma sewuvele ukwehlulile. Futsi siyeta manje kutobita kuncoba kwakhe eKhalvari.

²⁸⁷ Manje, luhlobo lwetu, Babe loseZulwini, siletsa kuWe dzadzewetfu lotsandzekako lofike yonkhe indlela avela e-Ohio, lapha, namuhla, kutsi aphiliswe. Nangayo yonkhe inhlitiyo yami, nemikhuleko lemidze busuku bonkhe, ngiKucelile, Nkhosi, kutsi wente letintfo leti. Futsi ngiyati kutsi kulula kuKucela, ngesikhatsi Utsi Utokwenta. Futsi ngi—ngibonga kakhulu nje kutsi Ukwentile.

²⁸⁸ Futsi manje simletsa kuWe, ekukhanyeni kwesiphambano saseKhalvari, lapho Jesu, eme lapho, loko kwenta ku—kubuyisana. Kutsi Wawulenga kanjani emkhatsini wemazulu nemhlabo, ubuyisana kwaSezulwini kukwasemhlabeni, ngekucitseka kweNgati yaKho luCobo. Kutsi Waphakama kanjani emhlabeni! Wafa ekhatsi emoyeni. Futsi lapho iNgati intfontsa ngetulu kwemhlabo, kungcolisa siphambano lesidzala saseKhalvari. Ngulapho la Wona imibuso. Ngulapho la Wemuke khona Sathané yonkhe intfo lebekanayo. Wabuyisela emuva, futsi waniketa bantfwana baNkulunkulu, lokungekwabo ngekwemtsetfo. Ngulapho la Usinika khona kuPhila lokuPhakadze. Ngulapho la Usinika khona setsembiso sekuvuka. O Babe loseZulwini, loko kwabhadala intsengo!

²⁸⁹ Futsi, namuhla, Ukubhadalele kuphiliswa kwakhe. Futsi ngime njengenceku yaKho, kanye naleti letinye tetinceku letimakhulu kulesakhiwo. Futsi siyamlahla lodeveli lohlupha lodzadzewetfu. Futsi utsi, ngekulunga kwaKhristu, ngekuyala kwaKhe eKhalvari, siyakukhipha kudzadzewetfu. Bese simtfumela ekhaya lakhe e-Ohio, ngoba leti atikafaneli tibile etulu lapho futsi tichume futsi, kutsi utophiliswa ngalokuphelele. Ngajesu Khristu, iNdvodzana yaNkulunkulu, siyakucela. Amen.

²⁹⁰ Manje, dzadze, uma... Kusobala, kukhombisa noma yini nje, bewungeke ukwente, kodvwa uyakukholwa, awukukholwa na? [Lodzadze utsi, "Yebo. Ngiyakukholwa."—Umhl.] Uyakukholwa. Ngifuna uhambe ngalapha.

²⁹¹ Manje, kuwe, ungahle uphakamise inhloko yakho. Dzadzewetfu lapha bekangeke akhombise noma yini, ngoba beyingophi ngalesikhatsi, tindlebe takhe. Kodvwa sinako, manje ekuseni, siccineneko, enhlitiywani yami nasenhlitiywani yakhe, futsi, nginesiciniseko, enhlitiywani yenu, kutsi Nkulunkulu umphilisile lodzadzewetfu. Uyakukholwa na? [Lodzadze utsi, "Amen. Amen. NgiyaKubonga, Jesu."—Umhl.] Futsi kutoba bufakazi.

Futsi Nkulunkulu akubusise, dzadze. Amen. Akabongwe Nkulunkulu!

²⁹² Manje singakhotsamisa tinhloko tetfu futsi, sisakhulekela lomunye umuntfu.

²⁹³ Yebo-ke, dzadze, ngiyakubona ngelubhoko lwakho, ngako ngiyati loko kangako nguloko.

²⁹⁴ Manje singakhuleka. Khotsamisa inhloko yakho, umzuzwana nje, ngisakhulumna nadzadze.

²⁹⁵ Manje, yini inkhatsato yakho, sisi na? [Lodzadze ukhuluma neMnaketfu Branham—Umhl.] Yebo, memu. Futsi loku ku-loko kukuyendza, ngabe kunjalo na? ["....?...."]....?.... Umfutfo wengati. Yebo, memu. Futsi ungumKhristu na? ["Yebo, mnumzane."] Yebo, memu. Futsi uyakholwa manje kutsi ute enKhosini Jesu, dzadze na? ["Yebo."]

²⁹⁶ Manje, dzadzewetfu unemacakala lamabi. Uhamba nge—nge—ngelubhoko. Futsi unemfutfo wengati lophakeme, ne—netintfo letinengi letingalungi ngaye. Simysa kuJesu, kulesikhatsi lesi, kutsi aphiliswe. Banini semkhulekweni manje, kutsi umkhuleko wenu ukhone kwendlula kuye.

²⁹⁷ Manje, Babe wetfu loseZulwini lotsandzekako, dzadzewetfu lotsandzekako ume lapha, noko wesifazane losemusha. Kodvwa, Sathane bekatomnika sitrokhi uma bekangakhona; bekatommalisa etulu ngaleya, embhedzeni wekuhlupheka. Uyomkhiphra ekutfunyweni, uma angakwenta, ngoba akabufuni bufakazi bakhe. "Kungani loku kwenteka kulomKhristu na? Ngani na?" Besingabuta, noma labo labangacondzanga. Kodvwa, Babe, siyati kutsi kwaku kwenkhatimulo yaKho.

²⁹⁸ Kwake kwashiwo ngalesinye sikhatsi, "Ngubani lowona; lomfana, noma unina, noma uyise na?"

²⁹⁹ Wena watsi, "Kanjalo, kodvwa kuze imisebenti yaNkulunkulu ibonakaliswe."

³⁰⁰ Siyakukholwa loko ngadzadzewetfu, manje ekuseni. Sikholwa kutsi kungalesosizatfu tihlakala takhe tingena kulesosimo. Sikholwa kutsi kungalesosizatfu umfutfo wengati

umshaya, kute Umkhombise lutsandvo lwaKho nemusa kuye, kutsi Bewungafakaza kuye kutsi UnguJehova Lophilisa tifo tetfu.

³⁰¹ Nkulunkulu, sikhulekela kutsi lomfutfo wengati utowehla ngendlela lenjalo, ate dokotela atsi, “Kwентекени kuwe na?”

Khona-ke, kudokotela, utawutsi, “Jesu wangiphilisa.”

³⁰² Siyakhuleka, Nkulunkulu, kutsi Utomenta ahambe ngalamacakala ngaphandle kwakusekelwa. Kutsi utokhona kuhamba futsi aphile ne—nekutsi abe njengoba afuna kuba njalo. Futsi, Babe, Livi seliphumile, noko lisebululen i baLo nangendlela lelicotjwe ngalo, kodwva impela Kutsetse inhlitiyo e...indzawo etinhlitiywani talamaKhristu. Futsi manje ume lapha. Ulindzele kuphiliswa kwakhe. Wena awulahlekelwa ngumuntfu. Futsi ngiyakhuleka, Babe loseZulwini, kutsi Utophilisa lodzadzewetfu futsi utomenta alulame.

³⁰³ Futsi manje, njengenceku yaKho, njengalowo lokholwa nguWe, ngekuhambisana naleti letinye tinceku taKho, letikhotsamile emkhulekweni. Siletsa dzadzewetfu etulu eKhalvari; ngaleya kulenga iNkhosi Jesu. O, kumangalisa kanjani pho! Ume ngaleya, umhlabu ngaphansi kwaKhe, emazulu ngetulu kwaKhe, abuyisana naNkulunkulu nemuntfu ndzawonye. Futsi sita ngeliGama laKhe.

³⁰⁴ Futsi lokuvimba lona wesifazane ekubeni yincekukati yakho lekhululiwe ngalokuphelele, ngudeveli. Futsi lapho, Jesu, Wamhlubula, futsi Wena u...watsatsa yonkhe indlela yemtsetfo lebekanayo, wasuka kuye. Futsi namuhla ungumkohhlisi kuperha, futsi singeke sikhemukele. Singeke sikhemukele, ngoba Jesu Khristu iNdvodzana yaNkulunkulu usinika i... wakufakazela. Wasitjela kutsi singakwenta, futsi siyakukholwa. Futsi sibuyisa loko latama kugebenga kona dzadzewetfu. Simnika imphilo yakhe. Sitsatsa lobutsakatsaka lobuvela etihlakaleni takhe. Sitsatsa lomfutfo wengati sibuyele esimeni sayo lesijwayelekile, futsi sekhute lodeveli lokwentile, eGameni laJesu Khristu, ekukhanyeni kwemhlatjelo waseKhalvari.

³⁰⁵ Phuma kuye, Sathane. Umubi, futsi ungeke usachubeka nekumbamba.

³⁰⁶ Futsi Wena, Nkhosi, Lowaniketa umbono kulolobunye busuku, futsi watsi, “Letintfo leti tiyobakhona.” Wena uliCiniso, futsi ungeke wehluleke. Futsi ngicela manje kuhululwa kwadzadzewetfu, ngeliGama laJesu Khristu, Loyokwemukela lonkhe ludvumo nenkhatimulo.

Netinhloko tenu tikhotseme, wonkh’umuntfu.

³⁰⁷ Manje, dzadze, impela, ngephandle, ngi...intfo kuphela lengingayisho, kutsi buso bakho, lobebubovu sibili futsi buvuvukile lapho ukhuphuka, sebehile. Angati noma uyakuva yini. [Lodzadze utsi, “Ngiva ngithulele.”—Umhl.] Utivelia

uthulele futsi upholile. Futsi manje ake sibone lubhoko lwakho lapha, umzuzu nje. Angikhomba kutsi nitodzingeka nibe nalo futsi, hambani nje nitungelete lapha ngaphandle kwalo. [Lodzadze ukhuluma neMnaketfu Branham.] Hamba nje, niyabona, hamba nje lapha. Manje loko kukahle.

³⁰⁸ Manje ngifuna nine nonkhe nibuke. Lodzadze lebekabovu buso, utiva athulele. Bukani kutsi kubukeka kanjani manje. Nibubonile buso bakhe, kutsi bekabukeka abovu kanjani. Futsi lapha u... Futsi utiva sekakahle, kutsi Nkulunkulu umphilisile futsi wamelulamisa. Futsi, lubhoko lwakhe, angeke asaludzinga futsi, akunandzaba kutsi ukuphi.

³⁰⁹ Chubeka wehle, dzadze, vele nje—vele utsatse lentfo uyitfwale, ngitsandza kutfola... uyilengise endlini yakho kube sikhumbuto, niyabona, ngeke kudzingeke kutsi ube nalo.

³¹⁰ Ake sitsi, “Ayibongwe iNkhosi.” [Libandla litsi, “Ayibongwe iNkhosi.”—Umhl.]

Kulungile, singakhotsamisa tinhloko tetfu futsi manje sentele umkhuleko.

Kulungile, ungamletsa lodzadze.

³¹¹ Futsi yini inkhatsato yakho, dzadze? [Lodzadze ukhuluma neMnaketfu Branham—Umhl.] O. “[...?...”] O. Uwakuphi na? [“Madisonville, eKentucky.”] Madisonville, eKentucky. Nkkt. Jackson.

³¹² Lodzadze unesifo sekucacamba kwematsambo, naletinye tinkhatsato tangekhatsi letimbi kakhulu. Futsi angati kutsi kuyoke kwenteke ini uma Nkulunkulu angamenti asindze. Mhlawumbe utodzingeka ahlindvwe, futsi loko kuyingoti kakhulu kulesikhatsi, ngako siyakhuleka kutsi Nkulunkulu utoba nesihawu futsi amphilise.

³¹³ Babe wetfu lonemusa, Babe loseZulwini, siletsa kuWe, namuhla, dzadzewetfu lotsandzekako, uta yonkhe indlela avela eMadisonville, eKentucky, entasi lapha kutsi akhulekelwe. Futsi Wena unguMphilisi, waNkulunkulu. Futsi ngimletsa kuWe lonemandla onkhe, naseBukhoneni baKho lobukhulu, yena... Emandla aKho neBukhona baKho, kukhuta lesifo lesi sekucacamba kwematsambo lesidzala lesingagcina ikhalisiyamu kulamatsambo eminwe yakhe, loko kungagcina ikhalisiyamu kulamacakala nemadvolo.

³¹⁴ Nango alele, enabile embhedzeni, lomunye amupha kudla ngelishubhu. O, wena moyo lomubi, bewuyobangela imphilo yakhe kutsi itsatfwe, kulobu lobunye butsakatsaka. Kodvwa simletsa, namuhla, kuJesu Khristu.

³¹⁵ Futsi, O Nkulunkulu, kukhuphula kukholwa kwami lucobo manje, ngati kutsi umkhuleko wekukholwa ukhulekelwe! Ngiyamlahla lodeveli, msuse kuye, ngaJesu Khristu iNdvodzana yaNkulunkulu; umkhulule esifeni sekucacamba kwematsambo

nato tonkhe leti letinye tifo, kutsi angaya ekhaya futsi asindze, futsi anikete bufakazi kulolonkhe lelo live, ngenkhatimulo yaNkulunkulu.

³¹⁶ Sathane, wehlulekile kuncoba, naJesu Khristu uphumelele. Futsi kwangatsi angasindza, ngaJesu Khristu. Amen.

³¹⁷ Dzadze, lotsandzekako, kungahle kungabikho lutfo bantfu labangalubona, kodywa ngiyakholwa kutsi sewuphilisiwe. Phakamisa tinyawo takho, ubone nje kutsi utiva uncono yini, esifeni sakho sekucacamba kwematsambo. Utiva ukahle manje na? Manje nonkhe niyabona kutsi uhambisa kanjani tinyawo takhe, cishe. Hamba ngco wehle manje, njengalencane nje, intfombi, kutsi nje awulokotsi ngisho . . .

³¹⁸ Sidvumisa nje iNkhosi Jesu ngabo bonkhe bubele baKhe nesihawu!

³¹⁹ Manje hloniphani, wonkhe umuntfu, sisakhuleka. Futsi manje kancanya nje, futsi si . . . masinyane nje uma sikhulekela loluswane, khona-ke sitoniketa kutsatsa likhefu kancane, khona-ke ningahamba. Sitsatse nje cishe imizuzu lemitsatfu manje, sitobese-ke sesiba nelikhefu lelincane, sitobese-ke sesicala ngalabanye futsi bantfu. Kulungile. Wonkhe umuntfu akahloniphe sibili manje. Kulungile.

³²⁰ Ngabe ngulomntfwana lofuna kukhulekelwa na? Futsi ufunu kukhulekelwa, nawe? Mnaketfu Wilson, ngiyajabula kukuchawula sandla sakho. Futsi luswane lwakho lu . . . [Lodzadze ukhulumma neMnaketfu Branham—Umhl.] O, ngiyabona. O, yebo, ngiyabona. Ngulolu lolunentfo lefana nekudzikita. Luyawa. Ngiyabona kutsi waphihlita buso bakhe lobuncane, etulu lapho. Yebo-ke, khona-ke, dzadze, utokholwa, nawe, Mnaketfu Wilson, namuhla kutsi Jesu utosusa loku eluswanen i lwakho, futsi—futsi aluyekele kusindze?

³²¹ Manje, loluswane loluncane lolume lapha, lunalokutsite lokungalungi. Lwalunekudzikita, kutsi luyawa. Nebuso balo lobuncane, emehlo alo lamancane, ahubulwa futsi amnyama, nakanjalonjalo. Nababe ufunu kuphiliswa, naye. Manje, sikhulekela kutsi Nkulunkulu utosusa lesicalekiso kuloloswane loluncane.

³²² Manje, tetsameli, niyakholwa kutsi wetfu lolungile, Babe loseZulwini, esihawini saKhe, lotovumela lomntfwana lomncane asindze, lungabi naloku kudzikita, kutsi kutolushiya na? Uyakholwa, uma sicela Babe wetfu loseZulwini, Utokwenta na? Kulungile.

Asikhuleke.

³²³ Futsi, uMnaketfu Wilson, bekuyini inkhatsato yakho na? Ngikhohliwe. [UMnaketfu Wilson ukhulumma neMnaketfu Branham—Umhl.] Uh-huh. Ngiyabona. Mhlawumbe intfo lefanako kwakuyini indzaba ngalomntfwana, futsi.

Kulungile, manje sonkhe asihloniphe sibili.

³²⁴ Manje, Babe wetfu loseZulwini lonemusa, siletса kuWe, kucala, njengasekucala kufika eveni, uyise walomntfwana. Netintfo letimbi yentekile kuye. Develi sewumncobile tikhatsi letinengi letinkhulu. Kodywa, namuhla, simletsa eBukhoneni baJesu Khristu, ngendlela yemkhuleko. Simletsa eKhalvari, lapho, lapho la Jesu afa khona kute Abe nemizwa lesihlanu ngalokugcwele. Futsi siyakhuleka, Nkulunkulu, kutsi Utoba nemusa kuye. Kutsi, sikholwa kutsi letintfo leti lesitentako kungekweLivi laKho. Wena watsi, "NgeliGama laMi bayokhipha umoya lomubi." Siyakukholwa loko. Naloku nje, tikhatsi, bantfu...

³²⁵ [Akucoshwangga etheyiphini—Umhl.]...ungitjele intfo letsite kutsi ngiyente, futsi intfo letsite lengitoyisho. Futsi angitange sengikhumbule kutsi kwakuyini Lakusho, ngesikhatsi ngiphaphama. Niyakukhumbula loko. Ngalolobunye busuku, embonweni, ngesikhatsi Akhulumu nami, "Naletintfo leti tatingakafaneli tentiwe esiveni. Titokwentewa ngansense." NeMnaketfu Cox, lomile edvutane, sincomile, mhlawumbbe kungaba ncono kakhulu kuvumela bantfu bete *ngalapha* ngalendlela, kutongivumela ngibe nemuntfu ngamunye ngesikhatsi, e—ekamelweni lemkhuleko lapha, kutsi loku kwentiwe.

³²⁶ NgeliSontfo lelendlulile, ngesikhatsi ngilapha, ngangenta loku kucala latabernakeli. Nginawo wonkhe umuntfu nenhloko yabo ikhotseme, kute ngikhone kuhamba ngehlele kulona wesifazane lobekakhubatekile, alele kuloluhlaka. Futsi wakhululwa ngalokugcwele.

³²⁷ Futsi manje ekuseni, ngatsi, "Nkulunkulu, uma nje Utongisita sikhashana, size sicuku singahlaliseki. Yebo-ke, ngisite, kuze kutsi, mhlawumbbe uma ngingagcina bantfu netinhloko tabo tikhotseme, kute bangakuboni kwentiwe." Niyabona na? Wonkhe umuntfu...

³²⁸ Futsi uma ngibeka...ngicala kubeka tandla tami etikwebantfu, khona-ke wonkhe umuntfu ucala kutfola, "O, ngyiAKuva esandleni sami." Niyabona, kanjalo. Futsi uma Kufika, khona-ke wonkhe umuntfu ucala...Niyabona kutsi kuba kanjani na? Lokwakukulingisa kwenyama ngalokuphelele. Kunjalo impela. Moya loNgcwele lofanako lowangitjela kutsi ngikwente, watsi kwakungiwo. Ngako ngati kutsi kwakuliphutsa.

³²⁹ Ngako kungalesikhatsi la Angitjela khona ngalobunye busuku, watsi, "Wabangela lokunengi kulingisa kwenyama kutsi uvuke, nekwenta loko." Watsi, "Manje akekho lowake wakubona loku."

³³⁰ Futsi nguloko lebengikwenta manje ekuseni, kute nje nonkhe nitokwati. Benitobona manje kutsi nginitjele liciniso.

³³¹ Bukisisani nje manje kutsi iNkhosi itokwentani kuletimvuselelo letitako. Kutoba ngulokungetulu kwemvelo, ngalokucicimako ngetulu kwanoma yini leyake yentiwa namanje. Niyabona nje manje. Khumbulani, angisuye umprofethi wemanga. Ngikhulumu liciniso. Nkulunkulu bekangeke acambe emanga. Futsi ubone kutsi ngeke yini kube kukhulu kunaloko lokungakaze kube ngiko nganoma ngusiphi sikhatsi.

³³² Manje, nine bantfu labatsandzekako, kunalabanengi benu labalayina lapha kutsi bakhulekelwe. Sikhatsi siyabaleka. Ngito...Futsi—futsi ngi—ngiyati nifuna kukhulekelwe. Futsi ngifuna kukhulekela letintfo leti. Lodzadze unentfombatane lencane ime lapha; namake abambe luswane loluncane; na—nabobonkhe; futsi sifuna bakhulekelwe. Sifuna bakhululwe, asifuni na? Sifuna baphiliswe, ngamunye; labafana labancane baguca phansi lapha; futsi bonkhe emuva ekhatsi lapho, bantfu; nebantfu lapha labanemdlavuza, nesimo lesibi, futsi batokufa.

³³³ Manje, asikholwa yini kutsi Jesu ulapha manje na? Asikholwa yini kutsi Ulapha na? Futsi siyakholwa, ngayo yonkhe inhlitiyo yetfu, kutsi Utosenta sonkhe sibe kahle. Anikukholwa loko na? Usitsandza sonkhe. Nkulunkulu akabuki buso bemuntfu.

³³⁴ Utoyiphilisa lentfombatane lencane, Akasuye yini, dzadze lapho na lentfombatane na? U...[Lodzadze utsi, "Sewuvele ucalile."—Umhl.] "Sewuvele ucalile!" Ayibusiswe inhlitiyo yakho! Uvela kuphi, dzadzewetfu na? ["Crestwood."] Crestwood, Kentucky. ["Lendvodza lapha yamkhulekela, ngalobunye busuku, futsi bekasolo asindza kusukela lapho."]

³³⁵ O, ake sitsi, "Ayibongwe iNkhosi." [Libandla litsi, "Ayibongwe iNkhosi."—Umhl.] UMnaketfu Neville uyeta, wakhuleka, lentfombatanya.

³³⁶ Yebo-ke, bhuti wami lapha, uMnaketfu Wood, wase Crestwood. Neyakhe...Uyabati, Mnaketfu Wood, uyabati na? Huh? [UMnaketfu Wood utsi, "Yebo."—Umhl.] Uh-huh! Ungumakhi ngephandle lapho.

[Lodzadze utsi, "Ngimbonile laphaya."—Umhl.] Yebo.

³³⁷ Nalomntfwana lomncane lapha, uvelaphi, dzadze? [Lodzadze utsi, "Gary, eIndiana."—Umhl.] E-Gary, e-Indiana. Futsi uyakholwa kutsi kutobanjalo, hamba—ubuyele eGary futsi ululame, awunjalo na? ["O, yebo."] Impela, uyakwenta. Kulungile.

³³⁸ Futsi baphi labafana labancane na? [Lomunye umfo utsi, "Austin, e-Indiana."—Umhl.] Austin, e-Indiana. Uyakholwa kutsi ubuyela emuva futsi usindze, namuhla, futsi, awunjalo na? Impela, siyakholwa.

³³⁹ Ngabe loloswane loluncane lutokhulekelwa, dzadze na? Uvelaphi na? [Lodzadze utsi, “Indiana.”—Umhl.] Indiana. Kuphi? [“New Albany.”] New Albany. Uyakholwa kutsi loluswane loluncane lutosindza na? Impela.

³⁴⁰ Futsi uyakholwa kutsi bonkhe laba labanye bantfu batosindza ngalapha, wonkhe umuntfu na? Manje asitibophele ndzawonye, futsi sitsi, “Jesu Khristu, Uyaphila futsi uyabusa!”

³⁴¹ O, cabanga ngekuphakama kweNkhosi Jesu; Lobekangenta lawomehlo aloluswane avuleke; Ngubani lobekangenta leyondvodza lengingitako kutsi...[UMnaketfu Branham ulingisela longingitako—Umhl.] ...futsi eme lapha futsi akhulume ngesibindzi nangesizotsa, Ngubani lobekangenta leti letinye tintfo tenteke na? Nkulunkulu unguNkulunkulu, Akasuye na?

³⁴² Loko tintfo letincane, kuloko Latokwenta. Utokwenta nje letinkhulu, tintfo letinkhulu, futsi nje asolo atenta Aze abuye. Kunjalo.

³⁴³ Manje ngitonitjela simo sekutiphatsa kutsi ningene kuso. Ngenani esimeni sekutiphatsa saloku, “Jesu, Ulapha. Manje sengemukela kophiliswa. Ngiyakukholwa ngenhlitiyo yami yonkhe. Futsi manje sekuphelile.”

³⁴⁴ Futsi enhlitiyweni yakho, njengoba nje uta kuYe kutsi usindziswe, wena utsi, “Nkhosi Jesu, nginikela konkhe kwami. Akusekho lokunye lengingakwenta. Nayi inhlitiyo yami. Nayi imphilo yami. Ngitinikela kuWe.” Nguloko kuphela lokungentiwa. Khona-ke utsi, “Ngiyakholwa, Nkhosi Jesu.”

³⁴⁵ Futsi khona masinyane nje, Intfo letsite phansi lapha itsi, “Yebo, uyakholwa. Yebo, uyakholwa.”

³⁴⁶ Sekusikhatsi lesingakanani umntfwanakho agula, mnaketfu? [Lomake utsi, “Kusukela atalwa.”—Umhl.] Kusukela atalwa. Yini inkhatsato yako na? [Lobabe utsi, “Utfwabalele.”] Utfwabalele? Bukani, niyati develi ukwentile loko. Kunjalo. Develi wenta loko. Nkulunkulu angalophilisa loloswane loluncane futsi. Cabanga nje, ngibone emadazini aleto tindzaba, letiphile saka futsi tisindzile manje. Futsi ngifuna...Ngiyati. Nginemntfwana lomncane, nami, futsi ngiyati kutsi nitiva ninjani. Futsi manini sibindzi nje.

³⁴⁷ Nobabili nine maKhristu? Kute ngisho namunye wenu maKhristu? Ningatinikela timphilo tenu kuJesu, manje ekuseni, nime lapho, futsi netsembise kuMphilela, uma Nkulunkulu atovumela luswane lwakho loluncane lophile futsi lophile saka na? Utokwenta, utokwenta, dzadze na? Nkulunkulu anibusise. Manje banini ngemaKhristu uma nemukela iNkhosi Jesu njengeMsindzisi wenu. Manje siMemukela njengemphilisi walomntfwana.

³⁴⁸ Manje, Babe loseZulwini, ngisabeka tandla etikwalomntswana lomncane lobusisiwe. Labo bantfwana lababili labatalwa kabusha usandza kufika nje, babe namake. Futsi kwakufanele kutsatse lomntswana, kubaletsa ekuPhileni lokuPhakadze. Mhlawumbe, kube bekungesiko ngenca yalomntswana ngalendlela, bebayolahlekha ingunaphakadze. Kodvwa loluswane selube ngumlingi, noma umsindzisi lomncane kubo, kubaletsa eNkhosini Jesu, kwensindziso yabo. SiyaKubonga, Babe. Futsi manje babusise.

³⁴⁹ Babantfwana baKho. BayaKwemukela. Watsi eVini laKho, “Loyo lova emaVi aMi, futsi akholwe NguloNgitfumile, unekuPhila lokuphakadze futsi akasayi ekulahlweni.” Ngibuka etikwaletitsandzani letincane lapha, futsi ngibona loko kuKhanya kulenga etikwabo, njengoba ngicala kuya ekupheleni kwemugca. Futsi ngibona loko kuKhanya lokulenga etikwaletitsandzani letincane, ngikucabange kahle kukhuluma nabo, Babe. Akusiko kutsi tetsameli tiyeva, kodywa Wena wedvwa. Futsi manje kwakuyini na? Kwaku nguWe lodvonsa enhlitiywensi yabo, ngalesosikhatsi lesibucayi impela. O Nkulunkulu, sibonga kakhlulu kutsi bangemaKhristu.

³⁵⁰ Sibusisa luswane lwabo, eGameni laJesu Khristu. Sita ngoba Nkulunkulu watsi, noma Jesu watsi, eVini laKhe, “Celani kuBabe noma yini leniyitsandzako, eGameni laMi, Ngiyolwenta.” Futsi ngako sicela Babe, eGameni laJesu Khristu, iNdvodzana yaKhe, kutsi Utobusisa lomntswana. Futsi kwangatsi kungabakhona kuntjintja lokungaka kuloluswane, ema-aweni langemashumi lamabili nakune lalandzelako, kuze kutsi lobabe namake batotfokota futsi bati kutsi kwentekile, kwati kutsi iNkhosi yabo lensha letfolakalako Jesu iphilisa luswane lwabo. Siphe kona, Nkhosi. Ngekhuta imisebenti yadeveli, tono tivuniwe. Babe namake bangemaKhristu.

³⁵¹ Manje, Sathane, awusenalo lilungelo. Sekuphelile konkhe. Ngako, sikwehlula ngeNgati yaJesu Khristu, Lowasiyalala kutsi sente njalo, futsi sikulahla kutsi usuke kulomntswana.

³⁵² Futsi manje kwangatsi lingacala kukhula futsi likhula, futsi—futsi lilulame liphile, futsi abe ngumntswana lomncane lokahle lotowenta babe wakhe namake wakhe batichenye ngaye. EGameni laJesu senta lesibusiso lesi. Amen.

³⁵³ NingemaKhristu manje, nobabili, kuKhristu. Bukisisani umehluko weluswane lwenu. Futsi uhlalaphi manje? [Lobabe namake batsi, “Gary, eIndiana.”—Umhl.] Gary, e-Indiana. Ngibhalele, noma ungishayele, e—etinsukwini letine noma letisihlanu letitako. Futsi ubone kutsi umehluko lonjani lowubona loluswane, uma ubuyela ekhaya!

Asibonge Nkulunkulu ngalomsebenti lomangalisako.

³⁵⁴ Ngacala kwehlela lapha ekupheleni kwelilayini, ngase ngicala kukhuleka. Bengisolo ngicaphela kutsi lugcobo lulapha

kakhulu manje. Niyakubona, caphelani bantfu, nakanjalonjalo. Kodvwa ngitsi kwenta loko kwesibili, ngikuphonse eceleni, ngite ngidzingeke; njengakudzadze esikhashaneni lesendlulile. Kodvwa ngaKubona kulenga etikwaletitsandzani, futsi ngangisolo ngimangele kutsi Kwakukuphi. Futsi ngacabanga, “Ngulapho Lalikhona, khona ngco kulabobantfu lapho.”

³⁵⁵ Ngako, manje, sitokhulekela wonkhe umuntfu. Nonkhe nitokhulekelwa, kuphela nje... Nkulunkulu ngivumele ngiphile. Futsi sitocala futsi sikhuleke, kute sitsi kuphuma. Sifika lapha ekupheleni kwalelilayini.

³⁵⁶ Mnaketfu Fleeman, unayo i... lungiswe lapho kute sikhone kucedza na?

³⁵⁷ Manje ngitokwehlela lapho futsi ngikhulekele ngamunye ngamunye. Futsi ngifuna ute wendlule, utfokota, futsi ubonga Nkulunkulu ngekophiliswa kwakho. Amen.

³⁵⁸ Kubantfu, edvute, bukisisa kusakata kweMnaketfu Neville, ngeMgcibelo lotako, mayelana—mayelana... nalenkonzo yangeliSontfo lelitako, uma ngibuya ngesikhatsi ngeliSontfo lelitako. Kulungile. 

56-0108 Nkulunkulu UneNdlela Leniketiwe
ETabernakeli laBranham
EJeffersonville, IN E-U.S.A.

SWATI

©2023 VGR, ALL RIGHTS RESERVED

VOICE OF GOD RECORDINGS
P.O. Box 950, JEFFERSONVILLE, INDIANA 47131 U.S.A.
www.branham.org

Inotsisi yelilungelo lemtsetfo

Onkhe emalungelo agodliwe. Lencwadzi ingaprintwa ngeprinta yasekhaya yentelwe kutsi umuntfu atisebentisele yena noma kutsi iniketwe labanye, mahhala, njengelithulusi lekusabalalisa liVangeli laJesu Khristu. Lencwadzi akukamele itsengiswe, iphindze ikhicitwe tibetinengi, iposwe kuwebsayithi, igcinwe ngeluhlelo lwekutsi iphindze itfolakale, ihunyushelwe kuletinye tilwimi, noma isetjentiselwe kuticelela timali ngaphandle kwemvumo lebhaliwe lecondzile ye Voice Of God Recordings®.

Mayelana nelwati lolwenetiwe noma lwalwenye impahla lekhona, sita uchumane ne:

VOICE OF GOD RECORDINGS
P.O. Box 950, JEFFERSONVILLE, INDIANA 47131 U.S.A.
www.branham.org